

晚晴籀詩匯

第十八册



晚晴簃詩匯卷四十五目錄

汪琬 四十首

尤侗 二十首

陳維崧 五十三首

晚晴移詩匯卷四十五

徐世昌

汪琬字茗文又字鈍菴學者稱鈍翁又稱堯峯先生長

洲人順治乙未進士累官刑部郎中康熙己未召試

博學鴻詞授編修有鈍翁前後類稿

詩話堯峯以詩受知於龔芝麓與王漁洋齊名
祖嘗論本朝人物首稱堯峯兩次南巡諭撫臣湯斌
曰汪琬久在翰苑文名甚著召見之日賜以餅餌果
品時論榮之其在京師士人挾詩文來者必謁劉公
敵及漁洋與堯峯三人堯峯性惰急少許可故忌之
者多然其詩實不逮其文遠甚閻百詩譏其詩謂僅
可裝點山林附庸風雅比於山人清客鄭荔鄉詩人
小傳云三復其集大致脫去唐人窠臼而專以宋為
師於宋人中所以心摹手追者石湖居士而已取徑太
狹造語太纖今觀其律體平庸纖俗意複語重誠不
能免七絕時露俊警古體圓融流亮間闖入香山之
室續稟諸作則愈老愈頽唐矣論者乃以遺山儼之
未免不倫

長門怨

長門寂寞地，獨坐易驚秋。
羅幌金風起，紗窗碧月流。
殘妝銷翡翠，豔曲罷空侯。
玉輦游何處，君恩不可留。

銅雀臺

恩共秦雲斷，愁隨漳水盈。
可憐絲管在，猶是昔年聲。
總帳流塵集，璇階蔓草生。
祇憑陵上月，回照綺羅情。

秋日送友人之秦

八月愁聽鴻雁鳴，故人鞍馬獨西征。
關城日落諸陵遠，驛路天陰五峙平。
千里烽煙連朔氣，萬家碣杵斷寒聲。
漢宮遺跡難重問，玉笛金笳動客情。

春夜望月

客居如空山，風物澹欲絕。
返照旣已收，餘靄旋明滅。
泠泠

冰下泉了了松間雪相對寂無言禪心與初月

同王十一賦得江陂吟翠屏送陸巴州之任

君不見巴東山色連巴西江頭日落風淒淒行人過此不能去停車愁聽江陂嘯巖壑千里斷行路藤梢葛刺紛無數嘯陂弄此猶未了倏然騰上青楓樹使君行指蠶叢祠巴人道迎歌竹枝歌聲將絕陂聲續清音嫋嫋如哀玉錦官驛外雜鳴泉大劍山頭悲落木此日長安一憶君知君遙宿閬城雲客中夜夜嘯陂起若到三聲那可聞

贈京衛守府

將軍能舞丈二及少年笑罵輕豎儒京城枹鼓百不虞安坐營門一事無薊門風高白草枯跨鞍遠走叱撥駒手捫角弓腰僕姑去逐飛鳥追羣狐歸來取酒黃公壚炙牛作

脯乳作酥是時月出縣浮屠萬家寂寂秋煙孤笑從北里
邀名姝清歌妙舞紅氍毹滿堂俠客相叫呼酒酣立馬爭
擣蒲信手一擲喝作盧眼中百萬如錙銖將軍自詫高荆
徒區區禮法焉能拘願君善保千金軀文州小醜方逋誅
國家右武需熊羆行建牙纛西南隅斬馘貍菟窮根株遙
飛捷書獻羣俘立取侯印黃金塗功名如此真丈夫慎勿
縱飲爲麤疏試開玉帳談孫吳

聞劉主事移疾將往蘇門賦贈

劉郎欲投効去隱蘇門山區區青墨綬棄擲如等閒蘇門
自昔多幽趣曾是孫登長嘯處山色遙連盤谷雲竹聲半
落淇園雨秧苗參差槲葉齊居人何減武陵谿閉門自有
飛花入高枕常聞過鳥嘯劉郎乞身真不惡葛巾布袍差

足樂案上頻鈔內景經
爐中祇養長生藥
女能織帛男能耕
門生扶舁相隨行
丈夫適意且如此
安用悠悠世上名
送人還撫甯

鶯囀潭柘菴草長桑乾口
此時送君行東風吹馬首
關路遙連沙磧斜
知君今夜宿誰家
薊州美酒灤州鱗
好醉棠梨千樹花

寄贈吳門故人

遙羨風流顧愷之
愛翻新曲覆殘棋
家臨綠水長洲苑
人在青山短簿祠
芳草漸逢歸燕後
落花已過浴蠶時
一春不得陪游賞
苦恨蹉跎滿鬢絲

懷從叔川中

憶自滄江別秋風淚滿衣
已嗟行路遠况復寄書稀
雪盡

巴流急雲深棧樹微相思如杜宇長繞錦城飛

世祖章皇帝輓詩

已致昇平胙兼高孝治名彌留念文母謂皇太后昭聖倉卒託

阿衡寢殿陳龍輶離宮撤翠旌猶傳罪己詔嗚咽走蒼生

南苑停調馬每歲駕幸南海子必累月是冬纔駐蹕數日東邦罷貢鷹詔罷高麗

貢車書方正統弓劍忽遐升玉几嗟空設鑾輿憶舊乘蒼

茫哀痛日大誓復金滕時輔臣率百官誓於大光明殿

雨後舟中晚眺懷王十一

斜陽下蘭陵景物澹塵慮草樹競含滋夜來河上雨涓涓

泉亂鳴靄靄霞初吐之子渺何在相思楚天暮疏林表遠

村微火明前渡惆悵暮潮生廣陵隔煙霧

憶宋牧仲黃州

齊安道上風土嘉脩篁盧橘森槎枒使君簿領本無幾日
未停午先放衙徐呼官騎出江郭蹋徧籬筍穿林花青山
隔岸斂晴霧赤磯映水蒸明霞竹雞亂嘯江路晚乘興徑
入魚蠻家我聞髯翁昔寓此曾借隙地開耕畚荷鋤自種
元脩菜賦詩屢乞桃花茶有時月出江水碧招攜佳客浮
輕楂可憐遺蹟渺難問流傳兩賦人猶誇使君南行頗快
意安用憑弔生咨嗟江山風月不易得殊勝賈傅官長沙
計期已見三寒食明年候汝趨京華

計甫草至寓齋

門巷何蕭索惟君步履頻青雲幾故舊白首尙風塵身受
才名誤文從患難眞耦耕知未遂相顧倍傷神

聽話頻年況淒然淚不禁歲荒生事儉世難客愁深孝友

安時命文章損道心五侯空好士歎息少知音

雨過

枳籬蓬徑薊門西春雨初過半是泥聊借酒鎗消簿領每
除花簞作禪栖病中書札甯辭嬾老去身名不厭低自是
芳蘭易衰歇可關鴟鳩盡情唬

送屈生還南海

羅浮神仙堀名勝天下聞峇堯東西樵異花靄氳氳花間
蛺蝶大於扇疑是麻姑五色裙君家舊住羅浮麓偶負巾
箱出巖谷一枝藤杖宛如龍徒步頻歌遠游曲遠游興盡
忽言還蒔藥眠雲揜舊關慚予未絕三彭累矯首羅浮那
可攀

東歸道中

鷓鴣聲中雨似絲昏昏鄉思苦難支
棟花風起歸舟急要趁黃魚上箸時

望見家山一抹青澹煙初日漾江汀
先生纔了還鄉夢已報輕颿過御亭

醉翻餘瀝浣征衣喜向風塵暫息機
多少春明退朝客十年曾有幾人歸

至清江浦貽上晨過舟中與之小飲

挂颿斗野亭落颿淮南村感君遠相顧
艤櫂枯槎根是時漲初減綠波半篙渾
涼吹滿絺衣入水生縠紋攜君坐船頭
喜有濁酒溫景物况爾佳煙柳搖初暎
試鱸水精鱗堆雪隨風翻君雖不解飲
爲我盡此樽我儕本不羈所志非高軒
微官偶爲累坐困簿領煩幸然脫塵鞅
如鳥辭籠樊

千里得良晤一笑眉宇掀借問平生交零落今誰存東西
與南北逝川日汙汙俯視諸兒曹瑣細何足論會當吐壯
氣一往虹霓奔岸巾抵兩掌不顧四坐聞君盍恕我狂毋
令遽聲吞明發復行邁相望青綺門

題書屋壁

繁花覆藥欄竟日自盤桓欲掇浮名易能持晚節難蔬盤
支歲儉絮帽敵春寒莫覓安心法心閒是處安

舟往堯峯遇雨

橫塘渡口北風起橫山濛濛水雲裏老夫鼓柁西南游急
雨隨風打船尾春鉏插喙栖沙汀蜻蛉接翅飛從橫風頭
潑墨雨腳白阿香隱隱將車行柁樓濁浪大如許停船暫
纜前村樹獨有漁師不畏風張颿曳網湖中去

草堂

草堂主人久不出屣步堂前幽興賒豆棚籠翠徧生茨桂
樹團陰初著花繞徑胡蠶每下上辭巢社燕紛紛謹譁暮年
杜門無事了敢復惱汝東西家

兩不如篇

我不如王儀曹愛驅煙墨追風騷我不如梁侍御徧參耆
宿啗蔬茹詔恩休沐一事無相攜不待折簡呼金魚池上
鶯囀蚤共握蒲葵藉芳草慈仁寺中花更稠酒酣覆盡白
玉舟自慙不作一錢直惟有談諧略相及聯鑣接茵能幾
時歸來又荷田間笠伯勞燕子西復東青春堂堂如轉蓬
中原二子無消息獨立斜陽數去鴻

葉子陽生勸予出山以此答之

事不理問伯始濟世安人亦徒爾事不諧詣文開杜門卻
軌何爲哉北路魚南路徐朱輪錦幃塞通衢江千萬蔡五
百銅山金埒無遺策勢燄炙手手可熱往往古今齊一轍
堯峯野叟獨怡然常栖茅屋耕石田新知惟恃壁間杖舊
物賸有牀頭甌比來鬢禿齒都豁但守隴畝終餘年君不
見大鵬小鷄各有慕世人未必知其故功名富貴能幾時
久已掉頭不復顧

屢辱侍讀王先生以盧藏用种明逸常彝甫見嘲未
敢用鄙句唐突又蒙賜口號四章語意鄭重督和
甚切勉遵無言不疇之義敬答四首以當解嘲

江外重山接五湖十年何幸住潛夫詩翁但戀金門直曾

見漁洋樹色無

先生自號漁洋山人
漁洋山在太湖中

芭譚相憶不勝情，竟徹皋比奉檄行。
車服儻緣稽古力，便須飛札報諸生。
暫因移疾守柴扃，曾是含香侍漢廷。
太史錯占天上象，歲星元異少微星。
明年春水引歸颿，的合移家占一巖。
從此不稱前進士，故人親授隱君銜。

讀書

龍鍾五十五，髣髴如華顛。
崇朝手殘書，移日卽茫然。
回憶羈貫初，駿快頗翩翩。
過目了大義，少選竟一編。
倍誦若瀉水，不受長者鞭。
因之易驕惰，研習未肯專。
誰知老將至，意象衰於前。
力學誠上策，有志無其年。
夜闌燭跋短，餘光豈遷延。
身非袁伯業，撫卷慙先賢。

憶江氏園亭

君家卜築倚花涇風物佳時許叩肩石骨透煙通體綠松
身卧蘇一邊青縱橫藥樹穿藤架破碎谿山上畫屏記得
年前曾往返而今相憶鬢星星

奉贈徐健菴前輩

婁水之所經嵯峨玉山塔羨此一隅地人傑踵相躡公家
伯仲叔墳簾互醜答翻然排天門聲望後先接中朝共推
仰號爲冠蓋甲長公最雄邁戶外朋簪盍慰問傾筐篋宴
笑倒樽榼頻躡長者履且置諸生榻辟若大瀛海衆流鮮
不納胸期極瀟灑經術況淹洽觀其所著書無語肯落夾
壯采陳繪組宏音振鏜鞳當今右文時詔修經國業已開
蘭臺局匪但給筆札前史頗浩瀚殊論苦未協學識如長

公才又富開闔發凡必超妙寓思當周币下上三百載歷
歷在眉睫何不任著述俾作羣賢法幸紬金匱餘奴僕命
壽暱

吳公紳索洞庭游稟賦此寄之

平生愛山看不足支頤遠望西山麓今年身似不羈鶴竟
理飛颿挈行襍山中佳處推石公俯視羣峯皆婢僕怪奇
自是驚心魂秀麗真能撲眉目橘林璀璨步障錦雲巒宛
轉屏風綠天風不起鏡流平展盡生綃三百幅老僧知我
非生人炒栗煮茶頻見肅枇杷花開雪滿路點綴衣巾猶
馥馥危橋天矯曲洞幽別東行滕恣探逐洞裏僊人不我
瞋徧啓窗櫺驅蝙蝠數堆石髓堪采喫味美勝餐立圃玉
從今解笑嵇叔夜俗骨塵緣無此福歸來恍惚夢中游欲

記旋忘什五六明春約君共長往拂石更題招隱曲

嚴氏傳硯齋

迢迢先澤冠東吳太守詒謀近亦無絕勝風流王內史祇
書小卷付官奴

室有牙籤映縹緗庭前書帶數叢長封胡羯末今如許未
怕年來硯沼荒

燕寢凝香有昔賢百年手澤至今傳銅山錢埒知多少不
敵君家寶硯田

送惠生元龍并寄綸霞僉事

惠生元非山澤癯東吳學者推通儒六經訓故師馬服五
言章句卑應徐連年襍被事行役往返殆受飢寒驅平原
先生富才望生也從之曳修裾塤簞彼此迭疇倡豈伊挾

瑟逢齊竽昨朝喜生似憶我拏舟竟過堯峯墟蓼花炫眼
繞野岸候蟲聒耳鳴階除此時空山苦寂寞幸哉有客來
門廬夜深共翦雨窗燭每聆快論頻軒渠生言平原許受
粲行將脂轄馳驢車丈夫故有四方志安能拘守待兔株
嗟予與生交契久相需不啻蛩隨驢如何忽被有力奪後
來彭戴知誰與一髮青山是齊魯望中道路殊縈紆老夫
老矣衰且甚過從無日良可吁祇今平原亦間闊折柬未
附雙鯉魚江湖滿地水流碧鴻雁叫月天涵虛歲寒但願
佳眠食爲余問訊今何如

答友人出山之問

不嫌野父便交歡諱說頭銜是史官車爲久懸羞再駕冠
宜長挂怕重彈叢祠散社分餘肉僧益逢齋寄一餐此段

明詩錄卷四十五
九

風流那易得肯馳嶮岨涉波瀾

尤侗字同人更字展成別字悔庵又曰良齋晚自號西

堂老人長洲人貢生官永平府推官康熙己未召試

博學鴻詞授檢討歷官侍講有西堂集

詩話展成早負時名弟子著錄者甚眾所作如臨去秋波轉制義讀離騷弔琵琶諸南曲流傳禁籟所豔稱聖祖南巡展成迎駕獻詩文晉侍講御書鶴棲堂三字以賜其詩上者為白傅之諷諭閒適次亦誠齋之道院朝天萬斛泉源隨地湧出稱其心之所欲言雖身後名減要不失為才人

暮懷寄卿謀

晚雲何自橫獨照悲秋客倒景入林深煙飛夜光白明月
當天來驚起空梁色搔首步荒庭暮影蕭然隻美人西一
方呼之不能出我欲化明月飛到南樓側恐君高枕眠未
敢穿窗入惟有草蟲聲助予三歎息木末賽芙蓉持贈長

相憶鴻雁幾時來仰對西風立

春寒

雌風盲雨爭春國東皇徘徊不能入羯鼓催花花不聞花
魂愁抱枯枝泣荒煙擾擾縈空飛凍雲寒凝青山白落囊
斜織夜明簾獸爐吹斷龍涎色琉璃硯匣曉冰封醜翻手
怯叵羅執西樓美人睡起遲髻冷芙蓉盤不得

秋懷

獨倚西樓第一欄秋風吹綻葛衣寒青山幾點葉初落白
雁數聲星欲殘燈火草蟲人歎息池塘夜雨夢闌珊眼前
何限難平事看了吳鉤不敢彈

一井青山下晚汀蕭蕭蒲柳望秋零十三樓上人吹笛五
丈原前夜落星漁棹繞殘深淺渡雁行排過短長亭閒來

行樂無餘事刪得茶經又酒經

由君山入黃山

君山行盡是黃山山脊中分大石灣帆影忽來干樹裏江
聲若出萬峯間水雲自起羈愁合野鳥高飛客思閒臨去
尙勞回首望美人日暮縮湘鬟

獨夜

憂來畏白日頗喜夜氣深空梁漏明月桐風翻秋衾靜然
無所思思起彈玉琴不彈琴中曲獨彈琴中心鳴蛩皆有
意能寫空山音仰觀天宇曠星斗光蕭森蒼煙所聚處下
有閨風岑我欲往從之精神遠追尋相忘澹如此誰知世
古今但恐夢中去愁境橫來侵

汪涵夫使君招同張公選范赤生泛舟秦淮感舊有

作

一篙春水綠平橋
蘭艇相將逐暮潮
河畔柳枝新繫馬
渡頭桃葉舊吹簫
六朝金粉愁煙沒
二月鶯花苦雨消
憑仗酒樽能壯客
未容問答老漁樵

舟中連雨

漏天何日了高卧
尺篷孤但聽水鳴咽
不知山有無春心
黏柳絮客夢冷菰蒲
卻羨溪邊叟綸竿入畫圖

至建甯送朱素書往汀州

細雨錢塘共放舟
殘燈濁酒幾淹留
日扶短竹穿危嶺
夜擁寒衾枕急流
山鬼路深花窈窕
土人語雜鳥鉤輅
送君更上臨汀去
春水平添萬里愁

客思

楚剌新涼起薜蘿征衣蕭瑟問如何四山古木彈聲急一
夜西風蛩語多芳草似嗁垂玉露美人有夢隔銀河閒將
客思題梧葉翹首天南無雁過

鄧元昭太史古鼎歌

漢汾陰得寶鼎歆浮雲吐金景後作者何紛紜八陣圖五
千文齊人真魯人屢千百年誰能辨嗚呼孝子有鄧公作
廟翼翼宮雝雝于豆于登罔不供若求弗得心忡忡天開
神物出土中龍文炳煥琢鬼工東西南北雲逢逢是爲寶
鼎二罇從陳之高閣疏布封以薦彝鼎考鼓鐘考鼓鐘衍
宗祖奏緩歌起會舞鍾山風攝山雨靈連蜷愴容與歆爾
子孫祚多祐我銘斯大復古嗟哉鄧公正考父

送宋牧仲樞使贛州

帝京雲物覩陽回賦別登臨宋玉才征棹正隨寒雁去放
衙應及早梅開金娥昇處留妝閣木客吟成乞酒杯身在
江湖心魏闕青春還上鬱孤臺

送邵村歸維揚子長歸吳門

驪駒滿路送君歸我獨臨歧賦式微斜日一鞭隨獵騎大
江雙槳渡漁磯月明隋苑聞簫吹楓落吳宮看燕飛躑躅
京華成底事故鄉東望欲沾衣

重陽登高

最是高難問青天隔九重亭皋一搔首風雨滿千峯野色
生新黍秋聲入暮鐘十年搖落意澤畔老芙蓉

題張德符方瓢册

時刻黃陶菴集

韓愈高文傳李漢揚雄奇字付侯芭誰知江夏先生集又

出清河公子家三徑松風常放鶴一簾穀雨自煎茶此中
圖畫堪招隱莫問門前白鼻騮

贈高澹吳季舒

江左高人吳季舒蓬蒿滿徑閉門居十年自著幽通賦四
海相傳卻聘書淮水觀鐙名藉甚隋隄折柳意何如風塵
瀕洞霜華晚歸去澹湖老釣魚

冒辟疆移家詩

西園公子妙談棋南國嬌嬈工掃眉雲雨淒涼神女賦江
山寥落黨人碑妝樓鐙火低鬟影禪榻茶煙颺鬢絲畫裏
浮家風景好吳宮花發早春時

送李子德檢討歸養

高卧荆山三十年揭來待詔賦甘泉身依北闕君門下夢

繞西京親舍邊抗疏遽辭彤管侍歸田仍賜綵衣旋閒居
頻向燕臺望閭闔雲深隔九天

都亭把酒送君歸渭水高堂志不違築圃正逢紅稻熟扶
筇常看白雲飛未酬君命臣猶壯暫解朝班世已稀千里
尊羹吳地遠自憐鄉思欲沾衣

送嚴給諫入都

漢京雅重嚴夫子未許桐江把釣竿重起千門看橐筆傳
聞三省喜彈冠天迴紫塞龍鱗動日射青蒲鹿角寒又見
趨庭真御史一家驄馬滿長安

謂方貽侍御

陳維崧字其年一字迦陵宜興人諸生康熙己未召試

博學鴻詞授檢討有湖海樓集

徐健庵曰其年檢討著述甚富諸體畢具其駢麗之工頡頏徐庾倚聲之妙排突蘇辛至其沈思怫鬱尤

蘇詩卷四十五

三

一往全注於詩近體似玉溪歌行之運筆頓挫婉轉
豐縉前少陵而後香山不足多也楊西禾曰集中
諸體涵今茹古奄有眾長觀其搖筆散珠動墨橫錦
洵可為驚才絕艷至於慷慨悲歌唾壺欲碎又使人
往復流連感喟歛歛而不能自己也蓋先生之詩以
氣為主故雖鏤金錯采絕無堆垛襞積之痕此其所
以獨勝於

諸家者歟
詩話其年詩純以氣勝七言古體開闔馳騁出入浣
花眉山最為擅場七言近體佳處雅近唐賢如贈巢

民先生云十隊寶刀春結客三更銀甲夜開樽過廣
陵福緣庵云青楓歷歷人千里白月濛濛雁幾行送

人出樵揚州鈔關云鴉點雷塘秋瑟瑟笛吹板渚水
粼粼登慈仁寺毘盧閣云天連趙魏晴俱出松歷金

元臘更高皆
超雋可誦

同鄧孝威集許元錫雪菴做康樂體

蕭晨憇高齋水木迭清映綠篠衛華廊紅泉鑒明鏡嚙嚙

文禽啾噉噉羈雌競結衿更褰帷疑義互譁諍圖史何稠

華琴尊復幽靚僕類次公狂近倣長卿病秉志協崎崟抗

懷謝塵穽久客四節適多難百憂盛一隨彼美游披藻奮
妍詠曛黑甯知疲玉衡漸西柄

從天甯寺後望迷樓蜀岡一帶遺址

秋原何淡沲荒谿莽相互清潭最明迴丹嶂極修嫺我來
駐精藍回飈已凝互手招山澤矐目協滄洲趣影堂枕獨
岡塔院背雙樹麗矚果不窮流懷獲所遇颯沓繚垣秋窈
窕寒塘暮繞郭垣陂陀攀蘿巾狐兔緬思仁壽年遺踪條
成故憂來多頽基樂往鮮完祚蕭蕭紫極宮惻惻紅顏墓
坐深暝翠沈松花落如雨

冬日過水繪園作

蕭晨行散罷沿溪恣迴轉屢聽白社鐘時遇青林篔名園
構城阿綺閣俯荒畎風物果次蓼襟抱况修緬元冬花尙

明時雜言 卷四十五
開亭午露猶泣繁條絡危窾明流掛層巘而我佇山椒支
筇更登踐沓嶂紅滅沒迴岡碧清淺雨歇鄰塘深日霽遙
墟顯下有古鉢池溪毛綠如蘚皎鏡一以開生綃問誰翦
始信境象幽高下任遴選我生疲津梁何能學泐忍曠識
協林巒高懷薄軒冕庶幾和天倪幽默獲所遣

酬贈山陰張雛隱

西箏不隻彈東瑟貴雙鼓結髮慕交游少小愛徒侶伊予
痗夙心煩冤嚮誰語十月百卉腓零露亦以滑灌木鳴驚
禽沙洲矯修羽居者遺賤貧行者眷羈旅沈吟送別言俛
首淚如雨願子崇景光前修以相與

春杪同諸子飲刺梅園古松下

晨興思出游茫然惑所向或云刺梅園景物頗蕭曠入門

苔色淨到眼雜花放杯來互沈吟與劇迭歌唱兩年縛朝
衫小心事卿相同袍四五人各各色惆悵春山未得歸遇
酒且跌宕君看落紅堆下有昔人葬及今不作達後此欲
誰望老松無賴極橫若攫拏狀我時倚酒豪竟上騎其項
龍鱗陡相噴鼓作天風浪

得桐城方爾止先生四月二十九日書感賦兼懷密
之先生

鯉魚風打江潮利五月荊州估船至船載沙門寶月師附
得縱陽故人字我家聖廬同雞棲負薪晝夜孤兒嘯開函
伸紙未及半申胡感栗聲酸嘶書亦不能讀淚亦不能止
憶昔芳華十五時與君同作金陵子金陵九門門九重白
靴校尉如游龍賤子文名楊德祖先君風表郭林宗三千

賓客遨遊徧流兔飛英誰不羨家伎新傳張敞眉游童暗
認王珉扇桐山諸子盡江蕭僑寓家家朱雀橋風暝侯家
春擊鼓月明戚里夜吹簫櫻桃小幄沈香火楊柳藏烏門
不鎖密約呼鷹出每遲私邀盤馬期常左此日清流氣絕
塵此時修竹彈文新諸王已見愁籤帥郡國還聞捕黨人
阿童江上軍船動毳幕連天馳繡鞚一載昭陽恨已經兩
朝太學知何用憐我袁家一愍孫拾橡蕭蕭歸墓門君不
見孫郎戰沒周郎老孫郎克咸周郎農夫龍眠前輩獨君好君家尙
有始興公卧看祇園生白草

方竹杖歌為萊陽董樵賦

山東董樵忽見訪入門手持方竹杖我亦生平屠狗人對
此蒼然屹相向董樵董樵真吾徒胸中豪氣無時無談兵

肯事東諸侯作騷直學屈大夫翻然南下浮東吳亦復窈
窕尋仙都廣陵城外秋風冽黃鬚半作蝟毛磔喚我同登
大酒樓此竹由來爲予說今年三月游金華丹梯紺壁凌
朱霞采芝偶入烏傷地看竹閒過衛鑠家此竹檀欒不易
得愛之拍手徒咨嗟倪家女子非恆流知有人間韓伯休
鬪來恰贈一竿竹伴我名山禽向游我聞此言揮百杯醉
餘不合成悲哀瀟湘斑竹竟誰在九疑荒塚生蒼苔況聞
官軍大戰勝今年邛杖西南來方圓柄鑿不相入爾持此
杖胡爲哉勸君攜歸玉女盆前住不爾此杖驍騰作龍去

顧尚書御香歌

獵獵朔風翻毳帳營門紫馬屹相向陳生醉拗珊瑚鞭蹀
躑閒行朱雀桁顧家甲第高於天顧家父子真好賢開門

揖客客竟入留客不惜青銅錢玉缸潑酒酒初壓秦箏促
柱彈銀甲綠鬟小史意致閒卻愛微紅添寶鴨陳生此時
聞妙香欲言不言魂茫茫心知此香說不得得非迷迭兼
都梁主人重取蘭膏爇此香舊事還能說憶昔初賜長安
街金甌天下猶無缺至尊桂殿日齋居千首青詞錦不如
緣章夜上龍顏喜第一勳名顧尙書嗟峨紫塞榆關道白
雁黃沙風浩浩萬馬奔騰夜有聲三關蕭瑟春無盜尙書
辛苦鎮居延絡繹黃封賜日邊非關小物君恩重爲許香
名國史傳鏤金小盒宮門出中涓一騎紅塵疾親題萬顆
小金丸猶是昭陽內人筆只今滄海看成田留得天香幾
百年攏來綺袖人誰問熏罷銀篝味不全白楊已老尙書
墓世間萬事那如故主人語罷客亦愁留客牽衣客不住

君不見客衣零落詎堪論
半漬香痕半淚痕
忽看天寶年間物
我亦東吳少保孫

送孫無言由吳閫之海鹽訪彭十駿孫

時無言刻程村駿孫阮亭

三家詞特過海鹽索駿孫小令

具區之峰七十二
莫釐縹緲羣巘
屹吳宮廢苑日蕭瑟
洞庭春水空瀾漫
狂夫七載客江表
舊游冷落增長歎
松陵高士推顧況
謂顧茂倫
獻歲寄我雲中翰
銅坑老梅數百樹
何不刺艇來盤桓
我時正作廣陵客
吳孃蟬鬢相逢難
佛狸城畔遇孫子
大叫銀臂同追歡
紅橋絲柳酒帘挂
見此詎復愁眉攢
無何告我渡江去
布颿徑欲游鹽官
問爾作裝有底急
鱗魚正美堆冰盤
君言一事繫懷抱
越中彭十今秦觀
紅牙小令風格妙
字字可付吳姬彈
我行適越苦爲

此千里那願行蹣跚孫郎語竟杯已乾陳生送客春將殘
橫江估舶大笑汝白晝濁浪生波瀾韋莊牛嶠好詞句此
事何與卿飢寒舟行儻過王珣宅切莫懷古心悲酸

寄贈侯叔岱

蕭蕭大梁城莽莽悲風起洛陽諸女兒競說侯公子侯家
公子不可當談兵說劍聲琳琅酒後能騎赭白馬興酣作
使邯鄲倡睢陽城下日將夕箭如飢鴟叫平澤礪礪賊火
動地來兩手如飛左右射歸來猶未散鳴鐘琥珀壓酒葡
萄濃旦夕長安賜甲第不然辟穀尋赤松黃河之水流不
極世間萬事安可測男兒五十不作官那得常常好顏色
珊瑚之鬻白玉卮與君作歌君莫疑侯家公子竟憔悴何
況雒陽諸女兒今歲廣陵城小弟睢陽至

謂四弟
子萬

相逢蹋

臂說侯生白日明明照天地人言侯生狂定識侯生樂鬪
雞下鄆陵呼鷹上宛洛余卧江東二十春眼中知己半沈
淪何時策馬繁臺去一訪當年屠狗人

宣銅鑪歌爲桐城方坦庵先生賦

龍眠老人顏鬢皤街前賣字書擘窠生平愛古入骨髓翫
好不惜三摩挲一鑪溫潤製絕異肌色肉好神清酥戩金
鑄耳備工料制器尙象窮琚磨窪隆豐殺中規格紅黃紺
紫蟠靄蚪我時捧視肅然敬儼若清廟陳彝犧音莎憶昔此
鑪始宣廟百物充斥供搜羅宮闈澹泊厭淫巧鑪韜精慎
無偏頗百金重購擬和璧旃檀作匣犀牛馱後來市估雜
贗鼎蘇鑄甘蔡皆么麼亂真每被魍魎賣懷寶或受蛟龍
呵我來感舊發深喟撫汝不異雙銅駝一鑪雖小歲月古

列聖德澤相漸摩我今爲公作此歌萬事以往何其多歌
成煩公書大字明日且換山陰鵝

左甯南與柳敬亭軍中說劍圖歌

甯南嘆喑大出師軍中百戲無不爲潯陽戰艦排千里夜
闌說劍孤軍裏虎頭瞋目盤當中其意自命爲梟雄說時
帳前捲秋月說罷耳後生悲風軍中語祕聽者死寂不聞
聲夜如水左坐一將軍右坐一辯士辯士者誰老無齒齷
顏摺脅醜且鄙得非齊蒯通乃是柳麻子此翁滑稽真有
神少年趨捷矜絕倫青春亡命盱眙市白髮埋名說事人
甯南置酒軍中暇愛翁說劍真無價橫刀詎趣提湯烹洗
足甯來踞牀罵飄零大樹蔓寒煙翁也追思一惘然西風
設祭悲彭越夜雨傳神倩鄭虔感恩戀舊纏胸臆故國無

家歸不得惡少王侯盡可憐三更燈火披圖泣

賣字翁歌爲方坦庵先生賦

龍眠老子真豪雄一生破浪乘長風行年七十正矍鑠自
號城南賣字翁雪花打門月在地破屋槎枒蠹三四廣陵
城中醉尉多老翁自賣牀頭字韭花帖上骨格殊春蠶錦
蠶光模糊洞庭霜柑三百顆不數鳳尾還官奴攔街小兒
拍手笑老翁掉頭只長嘯此翁遊戲無不爲憶昔金門大
隱時大兒扈蹕五柞館小兒從獵黃山陞紅牆海戶奇毛
淨玉粒思秋北風勁詔賜從官盡擊鮮羽林年少知名姓
一朝赭衣出國門牛車萬里探河源破訥沙頭斷行跡康
居城外愁人魂吾聞神仙狡獪不可當此翁亦復非尋常
作吏但未作僕射流官詎止流夜郎卽今七十材力強子

孫滿前身樂康翁起彈箏余擊缶翁亟向前掩余口人生
萬事難具陳賣字且換東家酒

三月三日龔山豹人約同上金山修禊陰雨不果長

歌紀事

三月三日風刁刁鯨魚跋浪聲悲號金焦極望不可渡連
檣巨筏何堅牢憶昨乞食射堂下方孫二叟還相遭官衙
蹋臂一大噓話舊滾滾如波濤五丁二酉被驅使秦碑漢
篆供爬搔是夜滿城作寒食鯊魚新傳吳娘糟程公愛客
入骨髓崑崙意便不欲留官醪老兵欲睡愁我曹負牆耳語
罵老饕別時攔街不肯散約我上已離城壕妙高臺上一
片石可以痛飲歌離騷詎料此意那便遂惡風濁浪心煩
勞作詩一笑報二豪毋令懷抱長怱怱晴雨豈妨吾作達

誓凌閭闔揚其尻詰朝米盡餓不死直須足踏金山坳下
視人世皆秋毫

送大司馬合肥公還朝長歌述懷

九秋江水平於掌我公巨艦排空上柁樓被酒願一言
歷爲公敘疇曩憶昔鄙人甫束髮爾時長嘯凌一往鶴子
盤空隄健舉獅兒墮地颯森爽那知天上剩星辰不信人
間足廡養卽云口吃善談諧況復腸肥工跳盪皇天瀕洞
運搶攘從此詩書遂鹵莽世許輕肥讓後生天留溝壑填
吾黨乍能牧豕學公孫差許鬪雞逐袁盎公乎念我在泥
塗崧也作人本骯髒驥老甯羞芻秣恩鷹飢不斷風雲想
斯言雖狂公定賞快若麻姑搔背痒歌闌萬馬忽然嘶醉
聽催船鼓搗響

晚晴雜言四卷四十五

春日范龍仙前輩相約讀書芝蘭堂長句奉贈兼呈
宋旣庭李西洲金穀似王升吉錢宮聲韓元少諸
子

四十男兒學干謁朝游江淮暮吳越漫將衣食累朱門詎
有文章動金闕倦游屢歲賦歸歎故人相值還唏噓勸我
莫作千里客留我共讀三冬書憶別吳閫一年久爲我糟
牀壓春酒入座爭迎作賦才當筵更覓彈箏手酒酣忼慨
喚奈何風光一往如流波女墳湖北鶯猶少短簿祠南雨
正多君家奇書一千軸錦袂牙籤光厯碌願隨潘左伴青
緗羞與金張鬪華轂嗟余短鬢日蒼浪太息憂來未可忘
鼓撾馬稍差亦得若問讀書非我長

開河

前年大水廬舍沒今年無雨井泉竭江南江北盡開河官
司夜點開河卒朝開河暮開河河身龜坼將如何千夫畚
鍤競邪許淤泥堆積成陂陀三日開一尺五日開十步監
河使者河上住虎鬚錦織一何怒尙我大艚誰家子楓林
祭賽封羊豕船頭打鼓催發船那得河中一杯水官艚罵
吏吏罵夫爾曹飽飯何爲乎河夫聞言淚雙墮家貧路遠
夫常餓君不見河乾田焦冬復春滂沱須賴皇天仁缺釵
淘得送沽酒官莫枉卻開河人

古歌留別季滄葦先生

江頭旅店一月坐蝸涎疥壁蝙蝠大街泥滑滑不肯乾夜
長攣縮誰能那急鼓拉雜恰二更老客羈孤剛一箇隔縣
故人歸未歸路長力短徒歔歔

江風吹客速如箭車輪歷碌過君縣到門恰值君入門失
喜墮車狂欲旋老顛掀卻頭上笠洗腳燎衣一相見呼朋
連臂登君堂我心明明鐙燭光

昨冬堂堂歲欲徂玉鎗雪片椽燭麤春蠶食紙響不歇倡
子和女歌烏烏詎知一別卽相見陶陶孟夏重歡呼鸞飄
鳳泊辭鄉國索米不成飢亦得

主人餞客夜未終亂鴉颯沓嘯酸風腰下寶刀欲斫地行
間硬句眞盤空男兒顛踣儻不死負此一飯非英雄歌闌
酒竭唾壺缺大笑登車與君別

馬殿聞筵上食河狔作長句示湖中吳志伊諸子

東風吹雨磨作絲青鳩飛上細梅枝野夫懶惰何所作食
指不動如懸槌朱門設食併召我蹒跚肯俟細馬騎江南

二月穀紋滑雛鶯纔喚荀出籬鵝肪雞跡色映盃野鮮海
蠶膏流匙鯨鮫出水倍雋永汁滓點滴成玻璃吳孃作膾
攘皓腕霍若跨馬黃鮮卑頰盤高堆春雪乳霜刀亂剝輕
紅肌老饗據几便啖嚼上客輟食頻嗟咨俱言鮭肝藥人
物脫復下咽難爲治我時放箸大嗚噓所見毋乃誠偏陂
諸君浙產舊濱海蠶帆蜚雨恆迷離雪山一片吼蛟沫紫
颯萬斛腥龍豨紅蚶綠蠣頓頓食魚又芋網家家持胡爲
睹此便瑟縮卻當屬饜翻然疑豈逢王郎懼水厄或誤爾
雅箋虻蜚君不見鳴鐘列鼎具五毒藿食亦復誰期頤俟
鯖染指詎俊物禁嚮垂涎非可兒羊羹熊蹯召大釁何地
不愁人命危我生墮地負骨格深爪出目鱗之而孱軀要
與麒麟鬪蟲豸瑣屑何能爲幡然進七不相勸腹腴獨饗

慚吾私

題梅淵公畫松爲愚山先生賦

施侯沃我以綠雪不數壑源鷹爪奇啜餘示我一幅畫長
松十丈紛離披牙鬚蚴蟉猛兕跳鱗鬣感踏蒼龍馳抹眇
詢問誰所作乃克肖此形支離答言柏規一詩老兩手慣
放枯松枝五日十日畫一本波濤春激颺颺悲昨蒙攜畫
脫相贈令我久看忘飢疲子之作詩興頗王亦如此翁作
畫時請爲拗筆寫長句配此秃幹蒼茫姿嗟乎吾家松樹
老無比三年偃蹇空園底何時秉耒去鉏理矮茅簷下拾
松子不爾攫身入畫裏

寄上柏鄉魏貞庵先生

戊申躡屩走碣石公也正坐中書堂沙隄纔下火城散趣

明倫彙編 家範典 卷四十五

三

呼門士譚文章是年都城水大至九門一望俱混茫憶公
召飲恰七夕渾河放溜聲礮硠狂飈捲雨舞軒砌樹梢瓜
蔓森開張我公揮塵坐自若穿穴理窟雄辭場賦詩句必
懾韓杜闡性論足排荀揚顧謂小子汝可語許汝負笈循
我牆手書往復慰且誨赫蹠每月盛一囊隆冬別公適梁
宋給我屣履資我糧人生歲月算不得破空烏兔何奔忙
霍如莊叟快說劍奮迅僇疾誰能當公歸東山又十載晞
髮薻駐恒山陽嗟予垂老倏遭際獻賦獲綴鵷鸞行宣武
門邊賃老屋與公舊邸還相望秋經向所命酒處葡萄壓
架榴拆房佳節矧逢仍七夕昔游瓜果真難忘

贈宋楚鴻

公子雲間秀才情不可當僧彌原是弟公瑾尙呼郎贈我

金條脫隨人蠟鳳凰昨來成艷曲流誦滿平康

同梅杓司夜泊河橋

一片河橋月經年照客舟不知春已盡猶傍爾同游
燈火煙中暝人家水上浮濁醪拚醉倒莫問大刀頭

冬日過農部伯父園亭感賦

淒淒華屋事俯仰憶生存紅藥自成路春流直到門
王家無虎豹楚畹有蘭蓀已識升沈理方從荷蓀論
賜第南山近爲園下杜偏小兒二千石中婦十三絃
緩夜彈銀甲宜春貼錦鈿幾回行樂處戰伐自年年

贈汪舟次兼懷吳野人

旅舍愁無那濃秋把汝詩驛樓臨水處涼月挂城時
更憶東淘客吟成老淚垂乾坤二子在蕭颯莫深悲

雨後同盧龍孫金廓明羊月生朱嗣殷過飲劉睿生

家紀事

雨腳今晨歇
翩然挈伴行
徑須謀薄醉
不可負微晴
老屐緣村響
危橋趁澗成
翦蔬兼劬筍
堅坐看經營

郊城

未了青纜到
相看破客顏
孤城郟子國
斜日馬陵山
柿葉遮殘堠
薔花擁斷關
千秋征戰地
曠望一追攀

盱眙

曉發盱眙縣
煙嵐極望遙
東風吹泗水
殘雪未全消
亂嶺藏山驛
微波拍板橋
昔賢高詠處
遺蹟自迢迢

唐常建會尉盱眙

圓通閣寺門卽目

殘城延古寺
細岸夾春塘
寂寂落暝翠
幽幽聞野香
花深

垂釣客竹罨浣衣孃趺坐少言說吾師齋磬涼

京邸歲暮送其白弟暫返梁園卽赴南昌郡幕

爾到睢陽郭多應四節除難霑分歲酒差勝寄家書久客
妻孥瘦長貧兄弟疏愁悰翻倒極白髮漫盈梳
皖口還西上廬峰紫翠偏江聲連故國驛路入新年鐵樹
旌陽宅紅霞賈客船子安吟眺處彩筆至今傳

余訪子建東回而王谷從朝宗西去賦寄

吳山吳水片帆開驛使驚傳江上梅君過侯嬴虛左待我
從宋玉大招回月明長水三江冷雪滿當湖萬馬哀同作
征人憐更遠北風吹處一登臺

贈冒巢民先生

當年燈火隔江繁回首秦淮合斷魂十隊寶刀春結客三

更銀甲夜開尊亂餘城郭雕龍散愁裏江山戰馬屯今日
淒涼依父執烏衣子弟幾家存

贈吳人陳敬仲

紫蟹黃花節物新他鄉斗酒亦情親樽前賴爾能吳語澤
畔憐余類楚臣夜月鈿蟬彈法曲秋風石燕說遺民江東
年少休相問七十何戡是舊人

秣陵黛色接天浮憶昔輕狂作冶游西曲名倡人窈窕南
朝公子態風流歌終綠幘樓頭見舞罷金丸袖口收二十
餘年成往事秋槐落葉不勝愁

賀老琵琶定老成隴西門第舊知名百年臺榭青苔沒一
片江天白髮生絲繡平原終有恨玉爲棋局豈忘情酒酣
重說崎嶇事無數黃沙落雁聲

敬仲曾爲如皋隴
西座上客故云

晚晴雜言隨卷四十五

招林茂之先生劉公戡比部小飲紅橋野園越日茂之先生賦詩枉贈奉酬

遲日和風汎綠蘋
飛花落絮冑紅巾
此間簾影空於水
何處琴絲細若塵
池上管絃三月飲
坐中裙屐六朝人
獨憐長板橋頭客
白髮淮南又暮春

過廣陵福緣庵瞻禮德公遺像

步屣閒經古上方
岩堯金刹映寒塘
青楓歷歷人千里
白月濛濛雁幾行
千古玉鉤隋帝墓
一枝斑竹贊公房
寺前正有關門水
盡日潺湲到影堂

花朝待毛亦史不至

春雲千縷捲靈綃
次第風光度綺寮
最不分明惟燕語
絕無聊賴是花朝
蕪城作客腸應斷
婁水懷人信轉遙
一樹

辛夷開未謝夜來微雨更瀟瀟

南陽懷古

古廟巍峩石獸蹲胎簪桐柏矗龍門濤衝古岸莓苔圻派
劃長江竹箭渾四瀆躬桓纏虎節百王薪榘薦犧尊從來
渭水稱河胃廷算深知費討論桐栢淮
瀆廟

南陽追感彭禹峰先生

先生曾參
藩滇海

碧雞霸府重人豪金馬都堂擁節旄萬里丹崖憑筦鑰三
年綵筆雜弓刀苴蘭質子檳榔酒爇爨降王赤罽袍一自
渡瀘人不返冠軍城結怨雲高

鄴中懷舊臨漳令萬大士

大士余
表兄也

阿兄昔作臨漳宰飛蓋西園繼昔賢銅爵硯傍春判牘鷓
鷯坡上夜迴船五湖歸隱頭今白昨夜思君月正圓小弟

鄴城長側帽西陵歌舞事如煙

送錢塘翁武原同知黃州

御柳宮鶯媚遠天金簫玉管醉離筵
青春佐郡名方起彩筆題詩句可傳
兩岸野花弦子國五更新月楚人船
黃州爾去應懷古鐵戟消沈又幾年

送子萬弟還黎城署

小弟朝來別我行正逢京國逼清明
一鞭晚宿臨洺驛三月人歸上黨城
遠道夢隨春水闊微官裝抵柳花輕
阿兄索米尤堪哂可及哦松格調清

九月十九日同賁黃理田公燮登慈仁寺內毗盧閣

分賦登高二韻錄一

四圍鈴鐸響刁騷一線穿雲締構牢
且以登樓當戲馬何

妨礙茗代持螯天連趙魏晴俱出松厯金元臘更高目斷
昆明池畔將何時歸鐙壓韉刀

時望平南
之信甚急

春日吳閬雜詩

春欲寒時雨正濃小樓殘燭話重重關山兄弟飄零後同

聽吳江曉寺鐘

夜與宏
人同宿

枕上口號

夜涼茉莉綻庭西大有鄉心不敢題誰界窗櫺數行月可
堪嘯煞汝南雞

春暮雜憶和彭羨門韻

渚鳥汀花各自愁清江一別兩經秋東皇枉費無邊綠搓
得溪頭似鴨頭

宿穀梁宅後小書樓下口占絕句

斷粉零朱板不全白頭重上此樓眠憑誰唬醒揚州夢惟
有棲烏似昔年

晚晴雜詩匯卷四十五終

晚晴移詩匯卷四十六目錄

杜越 二首

閻若璩 四首

顧景星 二十五首

吳雯 二十首

李良年 三十一首

吳農祥 五首

潘江 十首

鄧漢儀 十七首

蔣景祁 一首

譚吉璉 三首

徐咸清 五首

紀昀 十二首

王方穀 一首

陳儔 三首

馬繼融 一首

黃虞稷 五首

王昊 一首

夏駟 一首

彭桂 二首

戴茂隆 一首

王吳一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

蘇東坡一首

晚晴簃詩匯卷四十六

徐世昌

杜越字君異號紫峯定興人康熙己未舉博學鴻詞授

內閣中書有紫峯集

詩話紫峯明季為博士弟子以鹿忠節為師孫夏峯為友砥礪行誼講明道學無疾言遽色而剛介絕俗壁立千仞己未舉大科年已八十有四力辭不入試與傳青主同賜中書紫峯嘗有題壁詩云混迹依鷗近藏名應馬真蓋即辭徵時作也

夏日書事

長夏恒掩關蕭條寡良晤連陰晝不開時見雲奔赴未即成滂沱淅瀝驚高樹纔聞檐雷息又灑溪邊路花落滿莓苔階墀誰緩步久病獨支離陰霽莽迴互蛙黽亦何多叫噪垂楊渡

楊志祖見貽忠愍手蹟

搨得平原帖行間暈日星丹楓留草疏翠竹失蘭亭筆想
拳應握書傳墨尙馨文孫存氣骨脫贈意惺惺

閻若璩字百詩號潛邱太原人康熙己未舉博學鴻詞

有潛邱劄記

詩話潛邱僑居淮安精學經史寒暑弗輟嘗集陶貞
白皇甫士安語題兩楹曰一物不知以爲深恥遭人
而問少甯日其勵志劬學有如儒林所重潛邱劄
疏證四書釋地注困學紀聞皆爲儒林所重潛邱劄
記其未成之書亦轉相傳刻殘膏賸韻沾漑不少詩
附劄記後有眷西堂許劍亭秋山紅樹閣窈窕居諸
集名此殆其選錄之本潛邱辟大科入京師安節郡
王從受學焉沒爲經紀其喪京師稱安郡王第爲四
王府遂相傳謂嘗侍憲皇於潛邱杭大
宗作傳猶沿其說汲修主人始力辨之
鏡月歸余以先朝典故數事送難於令兄映碧先生

先生以爲聞所未聞有僑札之譽感賦一律敬寄

垂白李昭陽經秋忽報章焚餘周石鼓劫後漢靈光道大甯從闕知深轉覺傷何年荀氏子御罷更登堂

寄贈高澹人舍人

朝飲新豐酒未殘驚開捷徑五雲端侍臣自信無媒易聖主應教有夢難手校銀鉤呈玉几家沾仙饌出金盤人間止得賡歌跡一德由來契若蘭

懋勤殿有秋蘭舍人獻賦焉

待紫函

是夕雁初至高齋秋氣清華門掩半啟蘿徑掃還成就案齊緗卷臨池滌玉觥已儲下酒物因見老人誠

送周道士之清江

漢皇雄略河效靈瓠子歌罷梁楚甯咄哉黃金獨不成算緡四出天下驚乃知二者難合并何況區區之編氓我曾

持鍤隨隄平沙黃莫辨銀鑄城人言河塞田可耕田耕焉
用金滿籬我笑此若蒼蠅聲世間孰有黃金精朝結壯士
任縱橫夜吟華屋羅羣英即如仰眠日上瞠著書欲求後
世名亦須飽飯腸充盈孟郊喫飽僻思生韓愈牽率筆不
停今我一日腸九縈婦則已矣憂孺嬰道士大笑以指令
君書成於我藥鎗點化丹頰光熒熒月有寄兮歲有呈舉
室歡譁眞夢醒且向清江爲經營脂車秣馬導之行恍惚
如有飈輪迎天風吹雪花冥冥

顧景星字赤方一字黃公蘄州人明諸生康熙己未舉

博學鴻詞有白茅堂集

詩話龔芝麓令蘄水識拔黃公於童時故集中感知
懷舊於端毅獨深詩文纍數十卷樂府歌行才氣橫
溢時或榛楛勿翦稱蘄黃詩者與杜于皇齊名亦一
時之傑也已未大科黃公被徵世傳其辭不赴試鶴

徵錄與梨洲二曲潛齋滂西諸君並在行催不到之
列然集中戊午入都已未南還途次紀行諸詩各盈
一卷則黃公嘗就試明矣愚山集中有送黃公還山
詩云故人看又去羈客坐生愁把酒不成醉何年同
復游才偏稱野史名已徧皇州舊國烽煙裏休登黃
鶴樓強起非君志京華且復春懶充虎觀客閒許鹿
門身冠蓋看今日湖山讓此人狂
歌自通隱未老豈長貧尤足相證

葺園

荒墟漸廬舍邇來成四鄰園丁既老病灌溉殊苦辛幸免
麋鹿齧翻嫌犬豕獬非關籬落缺厮媪抱爲薪念彼生理
困未忍加詈曠尋思插芒棘刺手傷吾仁物情好苟得刑
罰誰見悛疆場且寇盜小犯安足嗔惟當重風化寢使薄
俗淳士林尙廉恥敷教修彝倫上無苟且政下有讓畔民
干戈自偃息化日長如春
昨宵風雨壯日出課我童樊籬既粗葺設酒邀鄰翁嫗穉

攀樹根柢亦得通三申守望義再講和睦風皆云前樓
取多出於流庸蓐炊而露食迫此水旱窮聞言動隱憫語
罷還深忡假若設官櫛豈亦容剽攻處分一失職攘效紛
相從草野弄金革朝廷問玉弓人性本忠厚天心原大公
懷柔王者術孚格道所隆搔爪有何益躡稻終無功乃知
鄙夫志用意苦不洪軾軻邁世亂何以託吾躬漆女惜園
葵安知中所恫

洞庭龍女歌

涇川小妹洞庭女暮牧乖龍夜行雨駢駕迎歸魚媵愁海
天春風浩無主犀釵割水魴珠滑綵衣帝錫琅璈八星機
羅霧處妃裙鮫匹凌波雜神鞮銀漢通光月漉漉桂華倒
映鼉鱗屋洗妝浴日瀛浪紅起掃空青兩蛾綠餌郎靈藥

十千年榆旁植柳姓在天七條緼水彈哀絃九州平地移
寒煙

竹下偶次李賓之題丁御史墨竹韻走筆成此

窺園墨竹來瑞昌聽雷一亭當中央西邊落日影不薄聯
緣南澗連東岡吾廬卜築已十世不數洋谷名篔簹旁鄰
不插麻蕪界近道仍蓋茅茨牆早春籜筍動千個兒把菜
畝翁籃匡微霆鈴鈴搜地脈一夜苞籜過人彊枝枝劒拔
高出母不省去歲如今長幅巾六月埽石坐冷颺髣髴天
雨霜層冰赤腳何足羨少陵大叫胡其狂綠煙滿眼露滴
漑赤日不怕宜壺觴淵府江妃動靈瑟星官真人溼羽裳
頗疑析月處西極搖落帝臺甘醴涼橫崖猛雨碎珠雹瀏
泉走隙鳴宮商或時風聲避彪騁有若健陳衝荒疆天寒

夜黑山鬼泣缺月正出當星張奔妻視藥枯桂旁老籟上
拂瓊琚鏘罡風倒揭豹尾立蛇頸嫋娜千鳳皇前山烏鵲
歛驚叫似欲銀漢搯杠梁爭飛野鴨響江澨仄翅旅雁疑
瀟湘磔柯叩種號扶老實中色類名盤腸百年生理肯齷
齷一竿真去歸滄浪畫工苦思獲一二片紙直欲兼金償
彭城墨本且珍惜況有萬个青琳琅前者王孟端繼以夏
太常二公遺跡予昔藏五丁操火寶繪堂安能緹襲百鍊
剛卽今屏蹟少六逸對君青眼睛飛揚此君世外果奇絕
更令天壤思王郎當時袁粲定俗物吾廬未可施癡牀

對酒當歌行

勸君莫憶少年事對酒當歌莫憔悴老憶少年哀轉多當
歌對酒可奈何我初二十髮垂踝長嘯每效孫公和綠絲

鬢去十存一一縉二毛斲尾挖十年蹤跡厭萍梗世事反
覆尋干戈窮搜萬卷聽飲腹荏苒歲月江奔波哀吟詎有
子荆句敲鬣勉賡蒙叟歌素琴倚壁蚶羸篆遺挂上有蜘蛛
窠交游開篋淚霑臆低高宿草霜垂科曲眉一笑曼卿
去吐舌三疊文同過春風發妍花滿柯有鷺雙雉聞山阿
朱顏欲改波斯匿流水故是恒沙河夜來猛雨何滂沱飛
華亂點庭前莎呼兒酌酒斟紅螺我今詩成兒試歌當歌
對酒愁奈何老憶少年哀轉多

題內府所藏南唐百馬卷子

開元廐馬四十萬天寶從龍最誰健夜偃火鼓延秋門晝
爭豆莖咸陽店萬里橋頭百存一騎去東宮還幾匹當時
芻秣盡凡才急難何曾見騰逸此圖蒲稍僅百馬毋乃樂

坊教成者細看不是臨陳姿可惜登牀汗流赭黃衫奚官
三五人鏤花玉帶繡抹巾羈前寶絡墜金鐸覆以羅帕承
錦茵可憐賊破西京後此馬全爲承嗣有鼓聲應節反見
妖血碎桃花死猶吼圖藏內府已千年相傳畫手南唐前
畫師有意惜奇駿不遣驅馳供舞筵君見老驥還遭放儘
有驂騑氣凋喪苜蓿難逢大宛種萐蓉屢涇邊庭瘴俶儻
何須四百躡壯觀爭多真畫師轉思騷裏不世出天子獨
乘何所之

四月三日恩旨宣放

聖德包無外天恩許遂初顛危來道路拜舞下階除采藥
求身健逃名愧術疏還山書細讀食蕨敢言餘

答愚山寫別

先生非愛祿老去本耽閒
流水無心住孤雲不戀山
會須存直道莫只愴離顏
我爲虛名誤形骸困往還

畫舫清波送高林鳥哢閒
誰云薄冠蓋祇自戀雲山
綠酒歡詞客丹砂駐老顏
江天一萬里身與鶴飛還

戰後

隴樹依村合河流抱日明望
中春有淚戰後野無聲天意
終難問羣凶各借名喪亡餘
習在市井亦談兵

送陶季深問藥茅山

牢落風塵際君情託友于
禮文誰在野家世爾爲儒
喪亂淹吾子羈棲屈壯圖
形骸愁倚薄魍魎浪擲揄
阮瑀才難棄任安義不渝
翩翩眞記室汨汨且窮途
獨往青山在偕行白社俱
野陰流雁鷓春漿沒蒲菰
蒼朮茅山近丹砂句

聯珠詩匯卷四十一
漏無青童與消息洞口弄三珠

烈皇帝御書松風二字顧苓得之某司香遂揭於齋

中

欄榜松風字崇禎御筆留龍賓猶拱護燕雀解啁啾內使
開黃帊遺民泣白頭圖書滿天府零落更誰收

天藻奎章閣芸香處士廬不妨南渡諱爲是大行書湖海
龍蛇地荆蠻戰鬪餘匹夫藏聖蹟草莽慟何如

玉露園陵滿珠邱蔓草新南陽無赤伏北闕喪黃巾弓劍
橋山痛衣冠漢廟神千秋渾寂寞遺墨寶幽人

奇峯名淑景御坐正當中五粒皆銀鬣雙珠倚玉童分披
九霄露不是庶人風獨有華陽洞天書貯幾通

曹娥廟

曹娥祠廟枕江湄碑版猶存漢代辭日暝山頭榛子落草
深渡口鷓鴣嘯輕舟上埭傳呼急短屨霑泥拜起遲忠孝
兩江皆萬古不須回首怨鴟夷

答劉克猷

子壯

七稔吳閩別風塵望杳茫飛騰何迅速髣髴料行藏故友
多林壑高名獨廟廊余書石作室君草玉爲堂幾緬思還
著雙魚寄莫忘尋仙終五嶽志士各津梁

龔公招登孝侯臺次杜于皇韻

石頭東畔鳳城隈草色年年周處臺欲下江山鄒湛淚況
緣尊酒謝公開秋聲是處疑橫笛明月窺人數引杯千載
登臨只如此古人不見又重來

青絲雙挈楚州紅走馬傳邀過竹東搖落園林多受日斷

行鴻雁故排風傷心故國高樓夜對語寒花蔓草中莫唱
隔江商女曲暮煙何處六朝宮

積雪侍大人入山時征郎西餉急山田數晦輸賦有

加

輓輿扶渡蛟鼉窟落日行穿虎豹羣林外鳥驚松墮雪澗
邊人過水翻雲簿書遠急荊州餉宿衛新班殿下軍正喜
立庭筋力健乘春山隴助耕耘

華亭同周釜山 茂源 盧文子 元昌 董閬石 含 蒼水 俞

飲沈友聖 麟 洞涇草堂作

平原邨右多榛蕪機雲草堂今在無風華今古不相借沈
生崛起真吾徒屋才半畝枕城市囊有五嶽真形圖布衣
稟岸藐雄貴文史娛樂同妻孥偕行野鹿林外食一雙白

鶴雲中呼舷邊拍手狎鷗鳥
豕頭枯樹巢慈鳥扶喪弔死
走萬里氣意直與申屠俱
沈生礪落世所無收雄召傑心
轉虛有時向我屈一指未審何見傾
三都泖湖鱸蟹我所嗜持錢朝鬻歸
中廚盤中新句更叫絕坐有周子董
與盧洞涇遂擅草堂勝太康二俊
良區區阮懷續詠歎廣武如此豈
合長菰蘆匹夫權大勇莫奪文綵
照耀橫江湖沈生礪落世所無嗚呼
沈生豈匹夫

春色

東郊春色起可以問桑麻
空樹雷驚燕清池兩種蛙
牛羊仍在野兵馬幸無譁
惟有徵夫急王師正出車

題歸高士畫竹

莊字元躬震川孫文休子也

太常墨竹名天下歸老文休亦瀟灑
元躬別得彭城法醉

後解衣方一寫一枝贈我挂草堂是時繞屋插新篁始知
筆理侔造化洋州胸次吞箕箒元躬取神兼取肖雨至如
嘒風若笑卽今折取一枝來正看旁觀無此妙夫夫老大
尤清狂垂肩白髮雙耳長所南畫蘭不畫地千秋志士同
感傷附禹帝邱三百里放勳葬處留遺址雙梢愁惹蒼梧
雲亂痕淚點瀟湘水元躬畫此人少知日暮易米空筐歸
只今披髮飄然去莫道前身是畫師

病中聞愚山病

太史平安好聲名老帝畿書來紀春孟節換已秋衣汗簡
酬恩遇漁竿冷故磯思歸應有病不病亦應歸

答子星讀予詩

把酒發長歎胡爲中夜歎眾人但鹵莽誰識千秋難明公

善討論標格惟高寒雄談肆激賞披瀝明心肝斯文滿天地觸感誠無端蕭條物外意黽勉山中餐性情本不天心力安能殫生平與夫子臭味同金蘭放情塵埃外攜手浮邱歡凌風駕黃鵠相望同林巒

吳雯字天章蒲州籍遼陽人諸生康熙己未舉博學鴻

詞有蓮洋集

詩話天章初至京師未知名漁洋賞其詩一日待漏朝房誦其句於葉初菴云泉繞漢祠外雪明秦樹根濃陰涇西嶺春泥沾條桑又門前九曲崑崙水干點桃花尺半魚初菴大驚異即日命駕往訪詩名大噪都下又稱天章過真定詩云鎮州荷花一萬柄正對城門賣酒家下馬當壚更斟酌臨明鏡看吳娃謂風格不減楊廉夫竹垞題其詩卷云三晉風騷雜偽真遺山歿後更無人把君行卷誰堪並除是番禺屈大均一時名流推挹如是

之羊山

薄日風吹黃松聲亂清聽陰雲逗殘雪忽見前峯暝野鳥
喧竹林樵人出蘿徑獨欲遂幽尋理策度西嶺

暮春雨中阮亭先生招同諸公集善果寺得曲字

古寺城西隅寺路直還曲幽人此來往漸與山僧熟煮茗
石幢下石鼎輕煙覆一花餘春榮眾陰長夏綠松深鶴唳
靜竹動鳥飛速人生一世間光景如轉燭宇宙曠無垠何
為自刺促勝侶欣招邀佳時值休沐名香風過院仙梵雨
垂屋向晚孤霞明白雲傍簷宿蒼蒼林月上世界明金粟
歸途重回首遙山寄遐矚

使院作

岷峩雪已消春波洞庭滿愁心理歸棹日望南風轉湘蘭
不可佩孤居悵凌緬方訝雉登木仍嗟蠶在繭堅卧拋陰

符強飲墮金盃人生出處非百事已乖舛賢哲多苦辛不能自黽勉蚊虻與鸛鵲忽忽皆過眼颯沓衡雲傍徒傷道謀淺

游風穴簡陸雲士

汝州風穴寺城西白雲裏出郭芳草深得此林壑美柏子周四山桐花通一水香閣接幽巖僧飯資禪喜石潭見空性澄澈何終始潭上新筍生潭下舊蘭紫谿風吹午鐘脫然謝稭秕相逢采山人念爾宦游子

再宿百泉

重作蘇門行小作蘇門住西風昨夜來不辨泉與樹晨興益蕭爽頓爾慊心素淡淡浮雲盡渺渺飛鴻度牽牛寒有花葭莢晴多露境勝理自淡心賞目皆寓尙覺腰組煩未

遂垂竿趣何處鳳鸞音徒然謝高步

次青縣題壁

去年九月長安來鯉魚風起船旗開今年三月舊山去馬
上綠楊掠飛絮舊山風景復何如昨日家人有報書門前
九曲崑崙水千點桃花尺半魚

贈杜蔚門先生

郎君谷口花無數棲巖寺底竹千畝幽人來往花竹間心
與白雲澹無取避世卽是鷓冠子忘機還應漢陰叟虎谿
醉客歡把臂龍藏禁方祕懸肘讀書不厭細如髮作字何
妨大同手將烹赤鳳喜鼎温欲採黃精愁雪厚藥奩紫芝
兼丹砂世事白衣任蒼狗永葉旋看鉛花生丁女正藉王
公守嗟余久嚮鸞鶴羣勞生空作馬牛走長沙近復憂壽

命張仲恐難終孝友卻仗我翁常慰藉未可志氣便衰朽
昨日東郊迓春仗一夜南園變風柳青旂猶欣重到眼花
勝甯嫌亦插首從此相過踏芳草或可雨留翦新韭石鏡
舞雞對烏几湖船射鴉拍銅斗人生適意聊自足鼯鼠飲
河量所受阿誰能解踏踏歌爲翁一勸薄薄酒

讀傅公他詩感書其後

苦節孤生竹哀絃寡女絲感君迸淚處是我斷腸時不死
翻成恨多愁祇益悲長飢忍薇蕨高義北堂知

宿湖口

斑竹晚沈沈維舟惜滯淫潮來全楚白雲上半江陰遠渚
鳥雙下空山猿一吟故鄉千萬轉今夜洞庭心

寄黃經公

明瑞齋言圖卷四十六
會拌官舍醉如泥別後柴門掩玉溪樹下茅容原有母閒
居潘岳已無妻當年情事悲鴻爪近日文章愛馬蹏彈指
韶光驚過眼幾時靈藥就刀圭

宿吳山寺樓簡嚴灝亭先生

蕭蕭暮雨急寒榛獨倚高樓少四鄰江上鼉鼉悲鼓角下
方鐙火散星辰梅花何處三更笛寒食無家萬里人不是
相逢嚴僕射天涯誰念草堂貧

齋居

瓠落何須慮大樽蕭然無客款柴門春秋未習嚴彭祖紀
傳常輕褚少孫下澤幾曾驅款段長河終擬溯崑崙雷聲
太白連朝急次第牆東過雨痕

水村

萬樹垂楊綠不齊人家住在澗東西
新篁迸玉方連屋嫩荇如錢乍點溪
野墅客來忘閉戶晴沙屐過不沾泥
風光都似招賢里只少紅翎水鶴唳

過嶺祠

半嶺閒雲祠樹多野人心事近如何
黃龍釀雨飛巖窟白鹿銜花過薜蘿
石上方抄雲子飯溪邊誰和紫芝歌
年來空有還丹訣日遣流光等逝波

河上望永樂厯厯然感詠

河勢衝冰水倒迴兩山寒色逼人來
鄉園雲樹雖相望客路心魂轉更哀
倦馬爭投盤豆驛饑鳥空噪赫連臺
勞生碌碌真何益欲訪盧敖練玉胎

西溪

西溪清淺流洞洞雜菱苳白鳥忽飛來萍開見山影

見山色不斷口號

芳草正萋萋垂楊絲不齊青山如送客直過雁門西

題雲林秋山圖爲查德尹

經營慘澹意如何渺渺秋山遠遠波豈但穠華謝桃李空
林黃葉亦無多

四月

四月湖湘芳草鋪竹枝夾岸客船孤長沙自昔傷心地親
向青山聽鷓鴣

贈王文心

海棠花下燕閒閒獨有高人晝掩關只許尋詩方一出春
風踏徧玉鉤山

李良年初名法遠更名兆潢字武曾秀水人康熙己未

舉博學鴻詞有秋錦山房集

朱竹垞曰君於詩初持格律甚嚴嘗鈔撮禁字一卷以授學者繼乃舍初盛而取中晚唐及宋元諸集涵泳之別出機杼於詞不喜北宋而愛姜堯章吳君特諸家故所作特異嘗入都與余偕游西山題詩於壁一時朝士爭欲識吾兩人每召客輒詢有朱李否隨曹侍郎之貴州知亂將作辭歸及被薦召試纒纒干言賦詩皆極瑰麗既不得志有鳳陽守延之幕歸築秋錦山房應徐尚書招修一統志後遂不出詩話武會十歲能詩與兄繩遠弟符稱三李善為古文間作麗體脫稟輒棄去人問其故答曰吾家伯季並擅斯長阿京不欲爭勝阿京其小字也游跡半天下所未至者秦蜀嶺嶠詩清峭拔俗

次韻王西樵司勳春夜兼書別思

邗上江梅已半零
暗香蕭瑟雨沈冥
窗斜竹影攤書坐
風細林柯隔幔聽
入洛司空琴自好
過江僕射酒難醒
明朝怕見隋隄柳
此是長亭第一亭

將之塞上呈汪荅文農部

出塞將炎月辭家屬早春間關諳異地辛苦悵征塵莫訝
臨邛客多慚入洛人築宮虛碣石開閣渺平津少日耽詞
藻窮搜笑等倫瀾期迴砥柱源欲溯江岷實類三都拙渾
忘陋巷貧端居昧生理雅志在經綸竿瑟違齊好璠璣閱
楚珍登臨諧夙抱攀陟此良辰轅下仍歌鳳臺邊想獲麟
黃河流浩淼泰岱勢嶙峋行路難猶昔干時數益屯含愁
非衛玠不樂似崔駟敢信文堪賣懸知德有鄰句吳才挺
出華省筆如神白璧何論價銀章已至身長卿終侍從方
朔豈沈淪貢墨隃糜貴花箋側理新羣公追正始夫子獨
深醇待漏陪青瑣薰香覲紫宸朝回接風素坐次豁天真
兼肯酬支遁還疑類許詢談空恆亶亶持論轉循循後起

看承蓋前賢歎積薪汎舟殊訪戴投轄幸依遵京國招攜
罷關山入望頻更嚴悽鶩築谷險怯車輪大漠原趨漢長
城直控秦防秋餘壘在避暑故樓湮雕鷲分屯戍鴛鴦問
水濱雕鷲堡鴛鴦泊皆在宣府時平紓北顧歲遠記西巡惜別雖千里
睽違只幾旬從軍甯我願草檄久無因河朔劉松酒江東
張翰蓴仙郎儻相憶慷慨報情親

八達嶺

丹梯直北通榆木拂袖山煙百折登河注黃花銜二口天
低白草見諸陵行人尙憶迴鑾曲磧岸曾移照妓鐙舊蹟
荒寒非一概不因六月有堅冰

宣府

龍沙燕尾承平日北顧頻煩玉輦游尙有羅裙傳樂府翻

隨羌管作邊愁行宮寂寞雙槐樹御氣銷沈舊酒樓白馬
青絲何限恨徐常功業總荒邱

鎖鑰從來借重臣貂璫本意揖黃巾一時坐失關門險千

里俄催鼓角新日落諸陵誰繫馬客逢三月易傷春中丞

祠下摩蒼碣始信孤忠亦有鄰

落句謂中丞朱公諸生姚君也

拜方正學先生祠四十韻

絕學吾鄉重孤忠異代存丰姿留想像瞻捧肅蘋蘩憶昔

迴天步災躔切帝閭金甌成倉卒玉葉久翩反册府盟何

補宗城壤有源犴糠誠在計寒齒及雄藩議惜移封寢謀

同築舍煩漁陽師剽銳上國羽飛騫江左懿親睦師中叔

父尊絳侯馳壁壘東越走連蹇歎息樓船誤憑陵突騎喧

浮雲深建業宮雨溼朝元鎖嚙江腰斷沙銜地肺昏控弦

江總宅吹角謝公墩馬飲重湖隘烽投入水渾高飛愁燕
子間道失龍孫勸進紛天策謳吟到朔轅袈裟終在野衰
經豈酬恩詔紙層霄碎綱常一字論漂零輕十族慷慨望
千門碧血凝霜灑丹心激弟昆燕封虛餌蠋鄉夢不歸溫
佳氣鍾山換新麾幕府翻冠裳猶未忝刀鋸更何言尙想
紛鉤射當時下殿奔不成悲鮑永詎敢哭陳蕃士有平陵
義文招屈子魂黃蒿歌偈仄白日些煩冤蓆帽三山市輿
尸百草根長時深齷露何地翦春旛密網蠲中葉新祠起
斷原都人還俎豆隧道幾涼暄故友嗟鄰近餘輝照隔垣
松移荒木末階淨長蘭蓀仰止從遺史經過感舊村更看
金作鑄重假石爲罇厯厯桑田改紛紛赤羽屯碑珉承鬣
鬣客淚落獲猿羌管悽神曲吳羹薦瓦盆江花墓門路長

對孝陵園

懷顧甯人處士

藏書滿天下之子獨間關
襪被穿雲往殘碑搨險還
羊腸疑漢史烏跡辨嵩山
歎息草元者棲棲蓬戶間

金陵雜詩

冶城不見內家妝
柳市風吹杏粥香
只有江籬不解恨
背人青過赤蘭坊

後庭花發最堪思
帝子吟成十客知
更唱阮家新樂府
明駝已報隔江師

詔書百道走黃封
南國新妝步輦從
故劔不須悲夜月
幾入曾聽景陽鐘

申丈鳧盟貽書見訊且索近著寄答

公子能清節幽棲道不貧
秫田供釀早書屋與農鄰
北學誰高第西方彼美人
相逢身世感燕草又三春
近接霜前札相憐塞上吟
風沙游子路松菊暮年心
避世沮偕溺尋山向與禽
古來無獨往嗟爾竟長林

朱碧山銀鑿落歌呈孫少宰退翁朱十倡

退翁齋中花底酌當筵示我銀鑿落
摩挲坐上一再看知是吾鄉碧
山作至元月日鐫彎環古紋半
蝕青苔斑槎枒颯颯勢欲飛
宛若放舸滄溟間橫眠有客凌
風渡點綴衣裾逼生趣玉缸真
擬瀉明河爲送張騫月支去雕
鏤無跡把玲瓏不解杯腹何由
空鷓鴣琥珀皆不數夜光金屈
難爲工主人更勸勿揮手舊事
流傳猶在口元家學士數臨
川祕閣相將此爲壽引杯謝客
客賦詩文采翩然動僚友

曉晴雜言 卷四十六
亂離以來嗟失一往時作雙今不偶歎息人間四百春斜
陽細雨漉殘巾梨花絕勝葡萄釀傲爾乘槎海上人

九嶺

昨者暑氣清嵐瘴喜初散幕府有程期鳴鏜戒宵半殘月
不到地松梢耿河漢冥冥列炬移灼灼螢火亂空山悟無
始靜理閱昏旦九嶺爭一隅徑窄中每斷我行尙層崗我
僕復深澗浮生付飄忽肩腋楚人慣不墜偶然事履危豈
無難轉苦東日遲坐待火雲爛稍稍荆扉啟人語出沙畔
前路方迢遙平明且須飯

栗子關十六韻

峻極重關險艱難獨客經梯航原梗絕中外劃郊垌天作
西南障山開大小屏路應莊躡始地自伏波甯遺廟崇新

祀殘碑失舊銘土田紛棘火樵採怯鳩形往事聞開國殊
方久不庭王師頻閱歲使節幾銜星鬼斧橫飛棧神功直
建瓴虛無銀漢逼縹緲淥江渟鳥道層巔過蟬聲下界聽
半肩敲疊嶽一髮上空冥石到諸蠻黑楓過二酉青炎風
高瘴癘晴日俯雷霆竹韻猿猱滑叢幽虎豹扃杖藜無恙
度揮手別山靈

聞鷓鴣

花間飛上竹枝嘯纔過黃絲又冷溪蠻鳥亦知行不得行
人那向夜郎西

貴陽山中雜興

眾峯如湧潮城孤若小艇客居倚青峭佳處要須領朝靄
淡益秀流泉響逾靜屋頂得初霽階前落山影塵心夙所

賦百事浮雲等惟應讀我書銷此佳日永

山閣多晚陰斷崖橫瘦樹闌風江上來冷然脆巾履青藤
不須攜前崗延旅竚遠疇引晴綠勢與雞山互帕女汲泉
歸墟童荷鋤去苗俗古難馴時平亦有務丹砂白鑿間我
輒當少住

有水復有山豈云非佳勝昨來橋上眼臨流俯涓靚玉峽
束江腰紅欄竹間映山簷落不掃一夜沒樵徑忽破水禽
樓僧坊數聲磬

寄耕客

牂牁秋綠晚萋萋五十郵亭到越谿不敢更嗟鄉國遠有
人還在萬峯西

題幸蜀圖

掩塵黃帕哀琵琶延秋門上烏啞啞侍臣趨朝漏未息豈
知輦道吹秦沙蛾眉絕影清渭水太子始控飛龍騶手揮
紅甘祀香魄尙有生荔來天涯三銀船本少年事臣侷進
酒君王嗟倚毫寫此圖者誰伯駒好手今猶誇山根潺湲
碧無底閣道蛭屈梯穿霞法仗細瑣不暇整從官觸熱敲
烏紗就中緩轡意態殊三郎捉鞭非翠華金盆皇孫不可
認疑是羽葆風迴遮宮人軍裝或雁次或稍前卻載以車
明駝夾道卧石罅奚奴避日攀槎枒長鞦短鞵挂一髮高
者螳附低旋蝸此皆左髀印風字尾側赭汗流三花不使
蹴踏漁陽兒首俛耳帖何爲耶峽耕無人峽田綠懸流淙
淙水滿畚薄雲千里帶村角忽轉細徑疏籬斜似聞子規
響深壑何有雪羽相籠箴白頭父老出不意親見萬乘臨

山家當年馳驛寫嘉陵化爲飛燼隨黃麻蜀山嵌空說王
宰詎有眞蹟留涪巴卽今皴染漸剝落松煤不復濃于鴉
昔人畫此意有託眼明且愛煙巒賒黔南開府擅珍賞更
東縹帶緘紅牙

義王宮妝樓今在官署中陳綠崖參藩置酒其上卽

席賦

炎曦昔頽照太白西垂芒尺木祚云季截險非巨防安東
節初指士馬何飛揚子陽不解事井底窺扶桑伏軾無左
車義旗豈眞王灌汜竟奚補耳餘亦分張翻然逐鹿者一
旅終夜郎殘戮到原野戰地天蕭涼宮門未摧徒突兀城
中央行人行歎息指點能具詳我來偶憑弔長嘯一慨慷
如何使君署卻在妝樓旁石訝萬夫昇材信千車裝華棖

間飛蕞一一摩青蒼苔階見綦履蔓草蕪明璫尙想棲息
時燕雀方處堂垂翅涉交水降幡溯沅湘蛾眉豈得貯響
屨餘空廊嗚呼十年間事不關興亡特筆在春秋竊據誠
不祥使君美風度環除種垂楊灑墨作檐額彈琴然妙香
茲樓若增奇洗濯生輝光結構豈殊昔令名乃干霜今夕
煙景佳素侶紛攜將明蟾正當檻社燕初辭梁芙蓉何灼
灼零露沾人裳碧石怨西子行雲疑楚王何用感遺址會
須尋樂方詩成一笑粲不飲負此觴

平越城樓縱目因追往事

七盤坡上青煙濃黎峨落日明干松女牆敲仄異中土蜿
折一綫隨山蹤行人散策郭門頂秋聲瑟瑟颯愁吳儂楚橋
蜀窄衣衽接此地舊不輸蠻賚紹聖之際明堂開伶衣短

後諸番從禮視交阯乃特殺牂牁未得稱附庸是時田楊
獨雄踞奄席思播爲強宗明家宣慰號藩屏詎意肘腋生
邊烽青蛇失險應龍死水西突騎紛來攻本朝捍禦越前
古乃有竊據稱王封興安臺榭已池沼山魃苦竹吹荒埔
百餘年間用兵處拔馬欲去生悲風近聞父老望休息賽
神里社喧春冬縮椎蠻女解持鋤種花邑宰行勸農宜孃
壘下靜秋柝玉華雲氣開諸峯山川俯仰月東出揮手不
謁張三丰

自白龍崖趨瀘溪述所見

絕壁何嶙峋側翠倚江岸雲水一相映清輝朝屢換石非
五丁鑿嵌空乃百變如梭了可擲似月魄始半或擊壺口
缺或迸錦絲斷漏日宛通中障樹若無畔勢絕飛鳥窺祇

應山鬼竄蟻附定何由徑尺肢細棧牕楯亦具設敗綆澀
餘鍊縱橫百里內仰視目爲眩其故不可測揮手付夢幻
長年話悽愴此地飽經亂萬騎走空村居人息樵爨寥翹
峽女泣袒跣溪童慣豈得顧里閭猿挂垂一襜饑來摘山
果渴飲汲幽澗生還諒無幾遺跡猶可歎尙想避秦時斯
語非荒漫輒因俛仰駭聊復紀聞見桑田若爲海他日蜃
樓見

宿劉家園子蘇孝廉懋旂過話是夕有兵信且值雷
雨大作與懋旂同賦

浪傳兵氣到藤蘿長者仍攜枕簟過萬事酒邊增磊砢一
鐙林外忽江河交論潁汝英雄見詩話源流正變多欲問
妙香行樂否櫻桃落盡奈春何

明臨彩言匯卷四十一
寄查韜荒夏重德尹兄弟

念君磊落好兄弟家在龍山黃葉村久闕寄書秋雁笑憶
曾縱酒雪鐙昏傳聞易改新烽火耕鑿粗安舊葦門見說
耽游閒送日歲寒邱壑肯相存

雪灘釣叟歌爲顧丈茂倫作

葦間延緣吾所師尋陽棹者非凡姿雪灘釣叟豈其亞姓
名蚤被時人知先生舊不事生產讀書樹根破萬卷土埒
荒涼藝花竹鄰里驚呼車轍滿此門一杜何當開笑指笠
澤浮吾杯連峯如銀七十二要看雪盡春風來絲挂珊瑚
不設餌命寫斯圖聊戲耳網鱖撈蝦瑣瑣人公若逃名勿
圖此君不見占星夢獵聲名馳照耀史冊千年垂樵青漁
童載兩頭詔遣下取新歌詞筆牀茶竈往來熟故人又欲

官天隨從來此事遭物色黃金尺書來有時長安已築招
隱館肯放此老津梁疲武陵桃花今不迷休歌河水清漣
兮縱不相逢賈太尉定應愁載庾安西

送宋牧仲比部權關虔州

雙流襟帶古津梁此去何如漢署旁越鳥翠移平楚樹嶺
梅紅趁下江航相門爲政輕泉穀名士持籌異孔桑想得
關亭公事了閒拋手板聽滄浪

暫歸南村題山房左壁

特立人千載平生酒數卮水清閒釣手園小負花師招鶴
從初好聽鶯已後時向來湖海意寂寞短筇知
溪南三折水近亦號滄浪竹外斜通渡梅邊側置房甯甘
老圃學欲買異書藏抱膝非孤坐春風到草堂

斜日明墟落花時步履過游人不醉少好鳥未歸多髮白
耽幽事山青對獨歌百年身世感俯仰舊庭柯

吳農祥字慶百號星叟錢塘人諸生康熙己未舉博學鴻詞有梧園集

鴻詞有梧園集

詩話慶百少嗜學讀書樓上去其梯盡所藏書乃下
應大科至京師與毛大可客益都相國邸號佳山堂
六子報罷還里鍵戶著書為文章才辨閱博縱橫馳
驟詩至一百三十四卷激昂發越諸體悉工隨園謂
古今人詩集之多香山
放翁外當推慶百云

餘杭凌將軍廟

勇決凌公績開疆功自多三分扶社稷百戰定山河故國

遺桑梓殘民護薜蘿烏林轉鬪處每夜按琯戈

討逆餘威在英雄更幾人愛才知國士蒙難屬君臣小市

開紅藥深溪轉綠蘋此鄉秋賽罷鐘鼓歲時新

同林鴻過深柳堂

肺病多年戴鶻冠
霜藤風竹倚門看
老增氣岸逢迎少
貧減風流任俠難
越酒試蒸魚尾活
蜀薑聊解蟹螯寒
君家遙隔吾廬闕
肯慰行藏問釣竿

二十年前敵五侯
布衣落落重交游
珠林挾彈驚飛鳥
金谷爭門駕快牛
愛客祇知兄弟好
推賢甯爲子孫謀
平生京國多同學
數向君前淚暗流

皇妃墓

在南屏宋理宗建

毘盧閣下皇妃墓
三尺蓬蒿掩石扉
白晝珠襦秋盡發
黃沙環佩月中歸
松間黠鼠棲行幄
竹下流螢照舞衣
古寺更聞仙梵隱
澄潭荒草又斜暉

潘江字蜀藻號木崖桐城人康熙己未舉博學鴻詞有

木崖詩集

詩話木崖生明季避亂居金陵亂定還里以著作自娛優游吟詠者二十餘年卒年八十有四

梁縣

我行已不先我僕常苦後中途雇蹇驢並轡相左右聽彼御者言惻焉使心疚自云先朝時世隸鳳陽久有田不起科歲釀烝嘗酒不知始何年更名曰地畝社長三十六搜括到雞狗累世免租稅此苦那得受畏彼官長威情急舉家走買驢獲雇直聊以謀升斗永痛父祖塋北望空迴首語罷輒歛歔予急掩其口陵寢且邱墟墳墓復何有生得逃征徭死當見父母

自桐城至黃州道中雜詩

不是飢驅迫中途亦可歸傳來三楚信纔解萬山圍野曠

棲鳥急峯高過雁稀北風吾畏汝吹作雪花飛

出京途中卽事

老大不歸去浮生能幾何可憐新白髮猶過古黃河官路
明煙堠人家卧碧莎寶刀仍繡澁長挂舊山阿

還家作

仲冬草木衰朔風淒以厲游子裹衣裳途窮始歸憩入門
坐中庭洞開杳無際荆榛藥石牀瓦礫莽寒砌鼯鼠穿屋
梁蠨蛸隔櫺翳門稀戶復無環垣宵不閉往時歌舞場今
焉牧雞彘側立怯垂堂樓閣有頽勢鄰翁走慰言華居昔
何麗何故忽凋殘非兵是豪隸語罷各歛歔潸然潛出涕
誅茅葺斷椽聊以謀卒歲回憶廡下時吾廬無甯敝
我祖卜此堂赫赫承華胄厥後奕繩繩伯仲能世守大人

既冰清從父復蘭茂紛吾席前榮中道遭窮妬有弟雖二人朝華皆不秀憶昔竹林游惟子體獨瘦壯者俱不存瘦者何以壽自爲秣陵客蓴鱸阻兵寇今茲返故廬室在人非舊數椽幸未灰君子居何陋掃徑刈蓬蒿五柳或云觀將種邵平瓜雜植楊憚豆勉哉充閭人慎勿慚堂構

歲晏行

歲云暮矣日月除今此不樂胡爲乎嘗恐樂極悲卽至私家催負吏催租往歲人家餽酒肉今年除日相向哭荒田插禾禾無科半飽將橐半馬腹縣官苛政復誅求賣田完稅無人收爺娘妻子抱頭泣合家忍淚賣耕牛富家買牛牛價賤貧家無牛爲人佃隔年乞得千銅錢且賄吏胥免赴縣赴縣入衙謁長官搶地呼天肉已剗怒詈鞭笞遭捶

辱依舊追呼不少寬城中稱貸如空谷哭向黃昏投店屋
不及江陵縣裏囚歲除猶得還家宿

贈李研齋先生

先朝文物盡今日見遺民冰雪雙蓬鬢乾坤一葛巾天心
難厭亂蜀道已通秦百口聞猶在誰憐乞米人
天問樓中客問天天豈嘆雪埋陽羨權花夢錦官春世法
窮逾拙文章老更神讀君新著述肯作劇秦人

柬任克家

石塘秋水致雙魚曾道雄文似子虛

克家客秋貽書
謬稱予制藝

我已

略知毛義志人猶爭誦魯連書甯親不敢貪薇蕨玩世何
妨到石渠此意向來無識者君今細討卻何如

幾年前泊皖江濱握手相憐出處分下里聲歌難和雪茂

陵詞賦本凌雲何曾小草空慚我此去先鞭定屬君他日
安車謝巖壑龍山休假稚圭文

鄧漢儀字孝威泰州人康熙己未舉博學鴻詞授內閣

中書有過嶺集

詩話孝威早負詩名與吳梅村龔芝麓游當時名流
多申縞紵所輯詩觀四集搜羅最富其中遺集罕傳
者頗賴以得梗概及徵鴻博已老矣借孫豹人傳青
主同授中書舍人放歸詩人際遇固勝於方干身後
賜第也近體雅近錢劉七絕態穠意遠
勝處尤多息夫人廟一首為時傳誦

章門逢談長益約同訪徐巨源陳士業不果

章江寒色上漁蓑客裏逢君踏葉過萬里烽煙長草屨一
生魂夢客銅駝依人四海平原盡哭友空山杜宇多我欲
同尋高士宅風帆明日又牂牁

山行趨大庾

莫愁前路杳月出正東峯人馬盤空細煙嵐返照濃過崖
星陡見近郭火偏逢更喜灘聲外層層響亂松

嶺南作

絕島誰傳颶母生五羊城角暮煙晴蠻花爭傍陳隋碣海
道曾過秦漢兵百戰地埋烽火黑中宵龍抱寺燈明無心
更訪厓門事月黯榕村破帽行

張登子招集喜遇胡豹生感賦

別汝眞經十五年瘴南重遇百花天中間生死誰書札此
地悲歡盡酒筵萬里河山驚虜策一時兒女對烽煙英雄
老去心情改淚盡高涼洗廟前

憶昔邗江集寶衣花間吟好送斜暉西湖戎馬君甯見南
越衣冠事已非宦拙終緣晞髮累客貧難向戰場歸春風

嶺外聊羈迹萬事銷愁有宋禕

韶陽寓感

整冠亭畔草萋萋一曲南薰落照迷腸斷九疑山似黛鷓
鴒飛入竹間嗁

萬安道中病卧至章門小差時值清明

過嶺風花陌上狂冥冥細雨攪孤航客中人病經寒食愁
裏鶯嗁入豫章垂柳軍城殘日動新煙漁浦戰雲荒不知
麥飯江村路寂寞誰來弔國殤

過江州琵琶亭

江州遷客未歸秦絃索初聞淚滿巾今日善才風調盡蝦
蟆陵下總新人

江行雜詠

江州解纜客途長三日西風逼建康
試問誰人鎮姑孰青山牛渚滿斜陽
十載游踪冷燕磯今來旅棹復將歸
卻憐亭子空青極無限鷓鴣自在飛

題息夫人廟

楚宮慵婦黛眉新只自無言對暮春
千古艱難惟一死傷心豈獨息夫人

平淮西碑

雪夜功成罷鼓鼙昌黎碑版照淮西
文章何意開讒妒婦女偏能竊品題
易代磨崖爭日月當年奮筆掃鯨鯢
只今蒼碣斜陽外頻見游人駐馬蹏

巴河鎮登太乙閣

閣爲故相國姚公崑斗所建

平津賜第久荒蕪傑閣巍然瞰楚都
高處衡廬天外伏到來雲夢雨中無
千家煙火猶洲渚幾葉風帆自畫圖
曾是赤眉燒不到奎光深照斗牛孤

題橫江館

渡頭風雨暗芙蓉津吏停橈會此逢
厯厯雲帆衝雁鶩沈沈沙館溷魚龍
運移典午人皆散日落春申樹幾重
極目故鄉東海上只今江漢自朝宗

和阮亭姑蘇懷古

旌甲喧傳檣李師空江一夕慟
鳴夷遂教石室無句踐誰羨黃金鑄
范蠡麋鹿草荒餘夢蛟龍春盡起
哀絲漫誇越士歸如錦不記稱臣請
妾時

枕煙亭聽白三琵琶

白狼山下白三郎酒後偏能說戰場
颯颯悲風飄瓦礫座間人似到昆陽

天寶傳頭竟屬誰四條絃子斷腸時
蠻靴窄袖當壚女今日公然識段師

蔣景祁字京少宜興人康熙己未舉博學鴻詞官同知

有東舍集

伏波廟

雲臺圖功臣椒房獨未許示公轉見私
遠嫌亦何取龍蛇方鬪爭幾先擇眞主
回翔竟不歸風雲會軒舉五溪阻且
深一鼓氣如虎顧盼惜壯年矍鑠勇堪
賈薏苡蜚語騰宮側起讒蠱公匪一將
榮犀貝何足數松固乳臭子無乃累
建武薄游沅江濱靈祠立江澚遺事徵
故老英風尙千古

慨然懷昔賢功名想銅柱

譚吉璫字舟石嘉興人監生考授中書歷官延安同知

康熙己未舉博學鴻詞遷登州知府有嘉樹堂集

鴛鴦湖棹歌

花時午日白荒荒最愛鶯嗁半邏塘一樣橋頭打雙槳郎
舟雲母妾沙棠

水市花船一樣窗龍淵學繡一條江憑誰移箇龍淵塔學
繡村邊也作雙

棟子花疏過雨聲紫山看火樹頭鳴鄰船兩槳買桑葉南
抵餘城北渚城

徐咸清字仲山上虞人諸生康熙己未舉博學鴻詞

詩話仲山應博學鴻詞科著有字攷 聖祖知其名
問字攷何書旁一侍臣對曰小書也遂放歸婦商嗣

音女昭華皆
閨中之秀

登岱

東行望泰山了了青芙蓉驚翻碧海色飛落徂徠松漸近
滅翠靄未到聞清鐘攝衣更攀陟曠然開心胸幽花炫日
月異草迷春冬俯視小天下知爲眾山宗不識何年代盛
典來登封玉檢金泥函瑞氣羅千重七十二君蹟風吹杳
無蹤涓澆久已判舉手將奚從

晨登千仞巔佳氣何氤氳天門射渴日彩霞落紛紛元氣
自流轉不知晝夜分窈窕古英如飄颻紫綺裙天漿漱皓
齒玉色含微醺結成金芝蓋卽是前峯雲手持一方冊授
以太始文回首隔霄漢散失鸞鶴羣瑤簫去縹緲餘音不
可聞

我往謝時輩岱宗來攀躋身披紫綺裘足躡青雲梯舉日
周宇內祇覺羣山低元氣一分散萬象忽已迷長風襲衣
裾九夏寒淒淒驚雷足下起細若嬰兒唬不覺驟雨遇倒
景銜峯西縹緲紫金梁屈挂垂天霓熟視不敢蹈恐踐仙
人棲出有而入無誰能測端倪

前登日觀峯峯勢高崔巍疑有扶桑枝近拂天門隈天雞
叫一聲八荒忽洞開驟聞東溟底奮出南山雷海霞盪金
光沸水煎蓬萊卽知巨鼇骨散作瀛洲灰傾洞長風吹秦
橋爲崩摧滄波日清淺僅復容渡杯五色何方雲擁護金
銀臺昨傳玉棺下又葬王喬回乾坤空浩蕩萬古無仙才

京都篇用杜洗兵馬韻

京都形勢連關東萬方玉帛朝會同英靈社稷風雲表圖

籍山河指顧中耕鑿從前忘帝力干羽年來戢武功臣僚
師濟太和殿天子恭默乾清宮徑可垂裳阜民物不須訪
道過崆峒玉門月靜傳烽色銅柱天高洗瘴風受歷應天
才不小祥符瑞籙古來少帷幄英謀布遐邇廟堂德意淪
深杳將校論兵轉精銳守令爲官輒明了涸轍終應活鮒
魚卑棲自合安窮鳥海島無煩義士從吳門不用愁腸繞
六服蒼茫鴻雁集九天搖動星河曉此時世事誰禁當非
民非庶非侯王太平有象定難見身縱貧賤猶康強馭眾
真看調六馬防民慎勿壅宣房腐儒寸心夙愚昧杞人翹
首憂穹蒼緬懷區夏風塵息想望天家籌畫長放牛歸馬
神功著擊壤歌衢景運昌梯航山海俱來貢人民老死無
迎送閭闔何時降綠圖滋液崇朝滿銀甕羣工謾議東封

禮太史好獻南山頌處處鼓聲村社飲家家農器桑田種
賢士雖虛傳野築哲王尙切商巖夢致君堯舜自有人布
衣未議成何用

紀昉字朏菴號仲霽文安人諸生康熙己未舉博學鴻

詞有桂山堂集

詩話仲霽性好游覽轍跡幾徧天下所傳題
詠最富論者謂其詩如蒼松古柏挺拔干仞

秣陵秋日留別王芟庵

江南秋正好江北人初別蘆花滿面飛孤棹波中咽搵淚
指歸雲夕流帆影滅魚鳥見留連西風吹斷絕蘇李當此
時那能心不結

登華山未至莎蘿坪而返

雲氣遮山腰半入仙人掌縈懷數十年茲晨慰景仰石徑

如箭筈籃輿遽來往身到眼界空峩峩無殊象共指奇峭
處變幻絕頂上帝座不可通明星分霄壤始知天下事畢
念在鶴氅留著蓮花峯尙作未來想

白下喜晤程穆倩

君昔住廣陵慷慨振風雅客每至紅橋論文倒杯罍妙擅
皇象書摹印獨心寫伊川道力深門外多車馬我昨過雷
塘蒲汀正初夏泊舫近垂楊士女紛游冶修刺通故人一
一如鐘啞歎彼挾貴資幾日離草野名地無談宗唾棄同
飄瓦秋色渡江來相逢石城下龐眉粲然笑牽衣袂仍把
檢歷八十餘公實長年者聚散老更稀交情諗真假

中夜

老話侵中夜微霜落半秋黃花知月令白髮戀人頭丹粒

應難熟笙歌最易休
弦光渾未溼桂影疊山樓

秦州雜詠

玉門千萬里飛鳥去仍回
山自昆邱矗河從積石來
羌人咸內附邊郡復新開
隨路郵亭少征鴻祇獨哀

隴城雨中卽事

山郡易爲雨河湟便有秋
野人收燕麥羌地出犏牛
紅鳥窺籠語孤猿帶樹愁
五原聞暮吹大半唱涼州

南發留別子湘季弟

行年將七十客路更三千
白首留長鋏青山問薄田
在家同逆旅隨地可棲禪
避暑知何處華陽洞口邊

現在

現在貧居士前生老比丘
那能追向詔只可似黔婁
白髮

何時變青山往日游著書還未就真乃負窮愁

曉山上人

幢花迦葉再生天淨業沙門自妙年智永書名皆是法貫
休詩格總歸禪雲流梵閣繙公案月照松關註內篇不有
阿難真定慧孰從座上現青蓮

重陽後一日雨中感懷

把酒臨風進羽卮雲棚蘿架半離披雨多九月寒應早花
失重陽開已遲一自累旬尋藥裏更從何地問禪期晚年
欲受菩提戒綺語猶慙江總持

茶煙

碾就龍團穀雨前乳香雲腳逗輕煙煎茶原有真三昧品
水常思第一泉只可焚香供客坐不妨對酒向琴邊儻逢

陽羨人爭問茗具新窠略已全

九日

黃花白酒住柴桑冷雁淒雲九月霜只有義熙陶靖節年
年甲子記重陽

王方穀字濟美又字金粟直隸新城人貢生康熙己未
舉博學鴻詞授內閣中書銜

春陰

漠漠天氣陰遙遙樹光綠顧此索居人微吟愜幽獨早聞
春水生風動澄潭曲何處曉鶯嗁踟躕望林谷

陳儔字靄公清苑人拔貢康熙己未舉博學鴻詞有燕

山草堂集

詩話靄公爲高淵穎弟子其詩豪邁如其人
論者等之苞稂黍離之什與淵穎異曲同工

決絕詞

我生胡不辰遭亂爲婦女出門路不識見人羞不語孤城
遭寇侵寇去來軍旅玉石全未分殺人血漂杵夫死虜其
妻此離失居處被虜強從軍哀哀淚成渚

友人至自三韓感賦時又有大梁之行

草堂寂寞奈春何舊友惟餘燕子過才盡半傾青玉案客
來新自白狼河樽前雞黍中原月袖裏風光塞外歌千載
梁園今已矣驅車且緩渡滹沱

家居雜詩

半廈茅堂一畝田恬然高卧便登仙禪心坐我蒲團日髀
肉輸人壯盛年疎懶不歌招隱賦經營欲辦買山錢長林
未識何時遂露溼新秋聽晚蟬

馬繼融字愚公號舫齋桐城人貢生康熙己未舉博學

鴻詞有菜香園集

喜晤楊嘉樹於方位伯席上

十載一回晤浮生能幾何琴書家食少雨雪客程多久別
難追憶相逢且放歌華堂今夜酒泥醉勿辭醜

黃虞稷字俞邵晉江人諸生康熙己未舉博學鴻詞未
與試召入明史館食七品俸有我貴軒朝爽閣蟬窠

諸集

詩話俞邵流寓金陵其父海鶴先生居中嘗為南京
國子監丞藏書至八萬餘卷世所傳千頃堂書目是
也俞邵己未舉鴻博以丁憂不與試徐立齋相國薦
入史館分纂列傳及藝文志並充一統志纂修姜西
溟題錢孝修山中煮藥圖卷云題詩舊日東華侶好
句驚看淚滿襟自注前有七友黃俞邵七律四首極
精工有抽書盡日向東華句讀之茫然毛西河答贈
俞邵亦有王通家有二珠樹和嶠身如干丈松秋盡

論詩逢沈約年來講易共田何
之句爲同時名輩推重如此

贈林茂之

八十才名徧九州七朝遺老至今留
聽談舊事開元載早識先生萬歷秋
藜杖尋詩荒徑外松風坐客小樓頭
乳山咫尺能招隱我欲從公一溯游

贈王石谷

松老鍾山廢苑空六朝遺跡散飛鴻
冬晴幾日閒驢背寫出荒寒落木中

題馬士英畫

半閒亭上草離離尙有遺蹤寄墨池
猶勝當年林甫輩弄麴貽笑誤書時

書影梅庵憶語後

晚晴余言四卷四十一
珊瑚枕薄透嬌紅桂冷霜清夜色空自是愁人多不寐不
關天未有哀鴻

半牀明月殘書伴一室昏燈霧閣緘最是夜深淒絕處薄
寒吹動茜紅衫

王昊字惟夏太倉人康熙己未舉博學鴻詞授正字有

碩園集

日本雙刀歌爲子存叔賦

鷓鴣之膏雙干將鎧下拂拭生神光青蛇赤蛟欲隱躍忽
令四座驚寒霜雀環色黃犀靶黑積鐵傳來海東國風胡
歐冶知何人卻帶千年戰場色叟城斗氣非模糊雄者不
飛雌不呼牀頭夜夜肯相守吾家大阮頻摩挲男兒意氣
自奇突試脫儒衫舞回鶻莫借他人去報仇尊前且伴封

侯骨

夏駟字文茵號宛來烏程人康熙己未舉博學鴻詞有

洽然堂集

陽灘

疊嶂周遭碧蒼茫去住間萬松明遠雪一碓響空山背日
柴門閉穿雲樵路閒此間真可樂漂泊幾時還

彭桂原名椅字爰琴一字上馨溧陽人諸生康熙己未
舉博學鴻詞不就有初蓉閣集谷音集

懷鄧孝威

北風吹雪別蕪城垂柳春來倍繫情江寺月明樓尙掩海
田潮退島堪耕送窮心事甯聞道排難風塵亦好名何似
閉門長嘯傲一牀書卷付鐙檠

答懷閣再彭

記別淮陰擲釣竿
楚天雲樹竟漫漫
徒勞問答皆賓戲
始信文章果說難
肥馬塵中孤客賤
嚴霜夢裏故鄉寒
自慚未得酬知己
腰下吳鉤怕解看

戴茂隆字蘿軒平湖人康熙己未舉博學鴻詞

春藻堂讌集

物候三秋換賓筵
兩地分遠方欣命
駕終夕與論文屋角
明蟾魄天風落雁羣
百年幾歡會清賞
息紛紜

晚晴篋詩匯卷四十六終

晚晴移詩匯卷四十七目錄

趙執信 三十首

孫卓 二首

茅薦馨 一首

曹鑑倫 十首

張廷瓚 八首

王材任 一首

鄭維孜 一首

田需 二首

劉果實 一首

李孚青 一首

馬教思 二首

閻中寬 一首

法樑 一首

趙作舟 三首

張克疑 一首

張宣 四首

羅淇 二首

勵杜訥 一首

高士奇 七首

劉子章 二首

俞卿 一首

梅庚 十一首

宋生 一首

陳王猷 五首

盛楓 二首

李姓 一首

張遠 三首

蔡升元 七首

許汝霖 二首

王九齡 三首

史夔 四首

吳苑 三首

周金然 九首

尤珍 四首

晚晴雜言 卷四十一 目錄

晚晴簃詩匯卷四十七

徐世昌

趙執信字仲符號秋谷益都人康熙己未進士改庶吉

士授編修歷官右贊善有飴山堂集

吳蓮洋曰秋谷抱異才負奇氣率然自好無所緣飾
 故其詩直而不俚高而不詭如其為人程元孝曰
 觀海一集氣則包括混茫心則細如毫髮其要歸於
 自寫性真力去浮靡沈歸愚曰贊善以譙飲觀劇
 去官時年尚未壯也高才被放縱情於酒酣嬉淋漓
 嫚罵四座以發其抑鬱不平之氣君子諒其志焉生
 平服虞山馮氏定遠稱私淑弟子而於漁洋王氏著
 談龍錄以貶之然責人斯無難未必服漁洋之心也
 詩話秋谷娶漁洋甥女恃才不相下四庫提要稱其
 因求作觀海集序屢失約漸相詬厲警隙終身按閑
 齋集中送馮大木及七夕飲松亭舍人二篇論詩皆
 隱詆漁洋還山集中平原道中詠東方朔云卻憶漢
 廷人齊國何草草孫宏兒寬田舍翁臣才兼之羞與
 同語尤輕傲其詩皆在觀海集之前蓋與漁洋齟齬
 已久所謂因乞序構釁者特其決裂絕交之顯迹耳
 談龍錄為詩家一大公案歸愚偏袒漁洋譏秋谷詩

晚晴雜言四
奔放有餘不取醞釀說亦未允紀文達灤陽消夏錄
謂明季詩庸音雜奏故漁洋救之以清新近人詩浮
響日增故秋谷救之以刻露二家宗派當
調停相濟最爲通論撰提要仍主此旨云

除草

久旱惜庭草秋來隨意繁甯知藉殘雨亦復礙閒門
芳芷元殊臭寒霜豈有恩殷勤向原野何處不春溫

出宮詞

禁門際曉開勅放如花女起作辭宮妝低頭淚如雨所悲
入宮早不恨出宮遲十年閉永巷妾貌猶昔時當窗理鏡
奩容華良獨惜君王豈無恩妾自未相識同時良家子多
在昭陽宮齊紈雖皎潔不如蜀錦紅舊家送我時願妾承
天眷歸去姊妹行含羞說金殿

出都

事在渾如夢憂來豈有端罷官憐酒失去國覺天寒北闕
煙中遠西山馬首寬十年一揮手今日別長安

平原道中作

當時長羨東方生嘲弄侏儒排列卿君王猶解賞辨口世
俗誰能知歲星我行厭次道祠墓荒煙曉卻憶漢廷人齊
國何草草孫宏兒寬田舍翁臣才兼之羞與同獨尋神藥
入東海胡盧大笑天西風

酬王阮亭先生見寄

生長山水窟新歸似乍經書來羨巖瀑夢去畏山靈醉遣
池魚見吟教谷鳥聽追游失仙侶悵望向晨星
不爲耽閒寂終朝坐擁書敢銜湘水怨祇傍漆園居噫氣
飄風外忘形大瘦餘猶多奇字在載酒欲誰如

暇時彩言圖卷四十一
何事中朝舊他年願卜鄰乘時朱虎讓失意綺黃親斜日
依臺柏驚風蕩塞塵請公樹奇績容我樂芳春

昌樂過閩諭德前輩話舊

菊籬茅屋正蕭然往事隨君到眼前荷鍤真堪喚牛走拂
衣同是值蛇年青門夜月三更夢丹水秋風十畝田莫倚
清樽說生計神州東去海浮天

臨淄道中懷古

秋騎羸馬營邱道千里齊風入舊聞雞狗有雄還自許淄
澠無味底須分原頭寒意離離草海上朝光疊疊雲幾度
爽鳩增太息牛山長傍景公墳

寄洪昉思

垂堂高坐本難安身外鴻毛擲一官獨抱焦桐俯流水哀

音還爲董庭蘭

馮文毅公別業古柏

公今游戲仙人鄉手折若木攀扶桑卻揮龍騎返故里碧鬣蒼鱗欲飛起化爲老樹當庭蹲排突雲窟盤山根要將直幹留天地豈爲清陰覆子孫我來俯仰三歎息何必新甫之顛錦官側吁嗟乎門前幾日不霜風君看萬柳何顏色

平度州道中望東北諸山

秋風吹倦客縹緲凌紫霞赤松仙人要我去爲駕白鹿青龍車羽輪飄飛不自制始計已失秦琅邪大勞小勞遠相待回馭又復成參差明霞碧落杳夢寐玉女有爪羞搔爬北行度膠水惟見塵與沙晴嵐百里豁心目高望一點青

於鴉眾山肩隨出戢戢木末爭槎枒天柱孤標倚蕭爽下
笑兩髻魯始髻東萊岱華列首室不敢加譬人名既成無
事相矜誇大澤東來獨雄傑森然列仗排高牙雲峯飛瀑
落千尺煙光蜃氣無由遮臺殿嗟峨布空曲浮金炫碧生
谿衍我今矯首意恟恍況於抗策窮幽遐人生能幾何引
領白日斜海山有約易錯選此中便可終來家

雪晴過海上適海市見之采下自亭午至晡快睹有

迷時十月十日

今晨雪乍晴寒日升扶桑出門邀河伯東嚮同眈洋昨日
之采山紫翠點水如鴛鴦未至二三里見人欲飛翔坐來
忽復不相識迴峯疊嶂皆摧藏赫然煙靄中城郭連帆檣
疑是秦樓船歸來閱千霜又疑瑤宮與貝闕神山倒影滄

流長飛仙驂虎豹晃漾凌波光招招不得語目極天蒼黃
同游競指是海市對之使我神揚揚歲序閉冰雪魚龍走
顛僵非時出瑰麗此遇超尋常當年蘇夫子雄詞自炫驚
海王慚予本凡才未敢縱筆相頡頏不請亦得睹失喜欲
發狂巨川細流兩無拒信知大海真難量準擬還家託鄉
黨詎肯此地辭杯觴天窮人阨總莫問微塵大地俱荒唐
客散境變滅半山還夕陽醉歸卻聽暮潮上浩浩天風吹
面涼

蓬萊閣望諸島歌

君不見不周崩摧地維裂東南海濺共工血千山萬山皆
平沈鼇撐無力海水深女媧揀石煉天色餘塊纍纍向空
擲落處蓬萊淺且清看當霜雪寒逾碧長山西接沙門長

鼉磯北去凌蒼蒼牽牛滅沒見尻臂大竹小竹爭頡頏或
如星槎墮河漢或如古鼎騰光芒魚鼃戢戢盡昂首雲霞
厯厯森成行餘者瑣細不足數鷗浮鷺立參微茫雄觀何
年付高閣丹邱縣圃簷間落雲卧分明見鳳麟天飛真擬
驂鸞鶴驚風颯颯碣石來銀濤連山中劃開漂搖島嶼相
摩戛激盪海底生轟雷登高望遠心易哀黃昏白日須臾
催半城煙火下山路身是仙人被放迴

大風登海鏡亭觀潮

疾風鼓窮冬大海勢一變頓收浩淼形坐獲奇麗觀聳身
列缺旁側足蚪龍畔譬如倚閭闔下見元黃戰波騰銀屋
翻沫吼白雨亂萬靈助呼吸百怪互隱見東連湯谷沸北
汨雪山轉恍惚掣丹厓蒼茫吞赤縣天吳本肆威飛廉苦

相煽莫測天地機但覺心目眩倍看城市親遙被舟楫羨
一笑險夷間吾生失憂患

說海

我本滑稽雄平生喙三尺偶窺白玉京誰假青雲翮空爲
舍人憎豈得紫皇惜鍛羽投故巢舌在嗟無益故巢富林
木亦復饒山石木使人恆寒石使人恆瘠非無清冷對未
足蕩心魄笑對苟不舒天地亦云窄昨過北海頭視聽忽
開圻茫茫造化形有與無相積日月避路行陰陽勢常隻
九州巨浸中飄漾若一席蛟龍所棄遺今古爭窟宅空濛
倏變現世界生厯厯眞妄理無殊觀者目燁赫迴頭閱人
間何處爲陳迹歸來每注目恍惚雲濤碧卮言貺好事竊
比談天客臨觴決百川向若寫胸臆甯惟引君醉更欲取

我適

陳思王墓

大雅此邱阿千秋寄恨多名非賓客借才自父兄過雨暗
狼厓樹風生馬頰波靈祠傍神女作賦問如何

昭陽湖行書所見

屋角參差漏晚暉黃頭閒緝綠蓑衣倦來枕石無人喚鷺
鴨如雲解自歸

寄朱竹垞檢討村居

江村水樹澹秋煙不見幽人思悄然往接簪裾三殿側近
聯蹤迹五湖前老爲鶯脰漁翁長閒上鷓夷估客船各有
彈文留日下他時誰作舊聞傳

晤洪昉思聊答贈

頗憶旗亭畫壁時相逢各訝鬢邊絲早知才薄猶爲患正
使秋深總不悲吳越管絃君自領江湖來往我無期祇應
分付亭中鶴莫爲風高放故遲

彭蠡湖

顯氣中流轉煙光四周遭層波碧離離秋色寒滔滔冷然
乘風游託身任毫毛仰觀天垂幕旁見林露梢山移舟向
背日蕩心飄搖北望千帆走燦若組紉交五老雲外笑人
世心魂勞我但唱小海君其歌大招

舟中觀英德瀕江諸山

毒溪收亂流炎海縱輕裝羣山似相識左右獻奇狀赫如
鯨波怒雲雪立疊浪燦如季倫豪青錦排步障氣鬱水木
秀勢倚霄漢壯橫江失全照急景迷定向高帆忽飛動遠

目屢得喪誰知英靈姿競進無苟讓顧望姿恢詭登臨阻
雄曠幽巖落鐘聲結想煙霞上

除夜雜感

閒身戀殘歲相守海南偏舊厯隨鐙盡春星傍戶懸客愁
先入醉歸夢不知年迢遞今宵漏遙同故國傳

人日韓江歸興

春寒晴壓空江水山翠雲光蕩船尾篙師搥鼓作迴颿萬
里還家從此始人日他鄉人別離郊原新綠已參差遙憐
沙渚多陽雁肯向東風更退飛

阻風泊溟陽峽中夜大雷電曉起對雨

禹陽帝子調黃鐘坐愛空山有來往二禹祠在飛來寺內昨朝宿霧
隱飛來自笑游蹤何鹵莽峽風忽訝失前津溟水翻能汨

歸榜孤舟萍梗仰陰崖敢以微軀觸罔象夜深魂魄悸崩
雷便恐乾坤裂驚響羣龍久困快一伸火鬣朱鱗競騰上
地窮川嶽疑變移天遠鬼神畏鉤黨豈知作劇向幽人苦
欲要遮縱歡賞曉披萬瀑散晶明煙放千林動蕭爽芳春
爛縵未過半絕壁丹青劃成兩閒情留夢寄孱顏凍雨爲
余洗悵惘殷勤更擬乞瑤笙徐引迴風送蘭漿

冒雨歸自碧落洞夜泛滇江飲酒示門人田英德及

同舟諸子

雨颭仙舟似在空故教蠟炬照江紅扶筇幸不虛靈境載
酒何辭信好風三月煙花荒徼外二更賓主亂流中州民
他日傳遺事莫喚閒身作醉翁

飛來峯

靈峯發遠想不傍耆闍住萬里九霄飛迴翔得佳處羣山
爭附從江海亦奔注西子解娛人當前弄煙雨鬼神失典
守求索滋危懼夜遣斧鑿來相牽就歸路徘徊戀風月荏
苒迷雲樹穿脅默無言垂頭坐猶踞我方息機心輒欲通
靈語天時易遷流世事足乖迂游行本取適膠固反失據
借曰懷此都何嫌暫飛去

晚晴過泰山下時將之江南

煙披嶽麓翠帷張雨浥春疇細草香人帶斷霞過小渡鳥
衝飛絮入斜陽鞭絲帽影垂垂遠日觀天門望望長嶺半
桃花隴頭麥肯輸物色與江鄉

渡江舟中示兒孫

海日江煙弄曉晴漁舟斜引亂帆輕舊游如醉三年覺豪

氣和潮一昔平勳業已甘充水手兒童但解問山名豈知
搖落西風候庾信頻來賦未成

觀漲二十韻

積陰歸山南風日啟清麗午景浮前川奄忽水大至初聞
聲震蕩澗壑助遠吹漸見勢瀾漫坡隴各易位前奔如有
程橫潰遂無際擺簸困喬林崩騰圻厚地荒涯牛馬迷吼
沫兒童悸空村走若狂余亦曳杖出半生放浪游動與潮
濤會濁河千丈波八月夜掉臂竭來卧山陬每愛沙水細
消長固有時變更或失計乞假涇潦資依倚岡巒勢造次
快狹中蒼黃逞雄氣蛟龍羞蹙縮魚鼈縱凌厲小利欲何
成暴興恐難恃大海在宇宙終古不涌沸一瞬汎濫流祇
遺元冥愧褰裳謹漫投濯足存深致高味秋水篇斜陽斂

晴翠

孫卓字予立號如齋宣城人康熙己未一甲二名進士

授編修有篋社齋詩橐

詩話施愚山家有寄雲樓庭植古梅己未夏忽作二
花是日適得如齋與茅楚畹薦馨及第之報楚畹籍
長興亦居宣城也越數日又作二花愚山與高阮懷
詠召試同授館職梅瞿山為作瑞梅圖阮懷賦長句
寄焉亦承平時科名佳話也如齋
奉使冊封安南卒於粵西道中

萊蕪道中

崎嶇歷古道躑躅背斜曛水到萊蕪合山從岱嶽分崩巖
留積雪斷壁入寒雲塵甑流風絕誰歌范令君

秋夜過昆盧菴訪阮于岳同學

淡煙斜月愜幽尋叢菊疏篁轉徑深巷僻風鐙懸竹戶夜
寒霜磬落松林閒收菰米同僧飯坐擁琴書靜客心逆旅

故人頻契闊舊游回首一沾襟

茅薦馨字楚畹號一峯長興人康熙己未一甲三名進士授編修有畫溪草堂遺藁

送羅魯峯

楚客停車把臂初南村東去近何如騷人自製江皋調才子今陳魏闕書昭諫能詩終晚達茂先博物豈窮居炎天相望滄浪道爲羨清尊贈鯉魚

曹鑑倫字彝士號蓼懷一號忝齋嘉善人康熙己未進士改庶吉士授編修官至吏部侍郎署尙書有忝齋

詩藁

夏日聽鶯

曉來閒自嘯誤認是殘春樹密看難見風高聽始眞玉簫

疑上苑箏柱出西秦留得餘聲在煙花已作塵

舟行喜晴

濃綠誰家柳深藏茅屋低溪花含日笑谷鳥向人嘯草淺
嘶驕馬村深叫午雞一番春雨足新筍競衝泥

木樨庵曉發

曉日穿雲起晴煙帶雨收霜清黃葉落水淺白魚游客裏
經三伏愁中度一秋故園有殘菊肯爲我歸留

泊富春驛散步

徑仄荒榛滿循溪問路迷長松危石畔古寺夕陽西雙塔
高峯並孤帆落日低山僧扶杖語虎跡到前溪

泰安道中

春林排障錦爲屏得得輪蹄渡淺汀野蝶穿花晴散粉新

鶯坐樹暗梳翎柳條風動搖官綠岱色雲開擁帝青擬上
丹梯凌絕頂眼空霄漢望滄溟

泰安至張夏馬上口占

風物當春競鬪芳客途聊此破愁腸山曾識面青常好鳥
不知名嘯自長流水無聲穿細澗落英有意出危牆懶開
白眼紅塵裏卻愛桃花似故鄉

北征大功告成紀事

風雷隱隱護周廬五采龍文護帝車泉出旌門珠瀑卷草
迎行殿綠雲舒九盤夜渡黃河水三略朝提玉帳書漢將
莫誇臨瀚海聖人親已到狼胥

聖武臨戎賊膽寒威驚鷲鳥避旌竿樓蘭西去關門迴姑
衍南來地軸寬朝發尺書降贊普暮馳單使報呼韓番戎

頓顙軍麾下盡荷生成載道歡

櫂槍既掃沛深仁羣醜投戈盡束身湯網恩寬三面解軒

臺威聳百蠻馴蕃歌人踏關前月鏡曲風傳塞上春直畫

青邱為比戶不須戎鼓節金鐸

鑾輿三駕建霓旌總為蒼生致太平款塞已聞來萬國受

降何用築三城晨迴雁磧雲迎馬夜渡龍沙雨洗兵從此

殊方歸化域年年爭路貢瑤京

張廷瓚字貞臣號隨齋桐城人康熙己未進士改庶吉

士授編修歷官少詹事有傳恭堂集

詩話隨齋以高門華胄父子兄弟同依禁近詩情清雋
翛然出塵時謂其燕許手筆而兼冰柱雪車之勝
扈從塞外賜新筍數枝名雁來筍紀恩二絕云春林
雁筍露華滋驛使封題進御時自昔京華曾未識分
頌塞北遇尤奇籜解香生綠玉痕得嘗珍味荷君恩
宵來清夢留人處家在江南水竹村其風致不減煙

波釣徒查
翰林也

長安卽事

捷書飛羽達鸞坡
銅柱勳名自不磨
風掃天山晴捲籜
月明滄海夜澄波
青霄手摘妖星落
赤地人思化雨過
未識樓船功定後
九重宵旰更如何

清時講武出長安
秋色華林曉露溥
草綠平原圍寶幄
弓彎明月落金丸
戰袍較射分諸將
行殿烹鮮出大官
聖主更勤無逸訓
封章多傍馬頭看

碧落鳩工啟玉樓
丁丁聲徹九天秋
遠移瑤島雲常溼
暗擁蛟宮翠欲浮
王母迎來花作仗
洛妃歸去鳳爲舟
人間永夜聞天樂
日斷銀河清淺流

宏開祕閣集簪裾
巢許彈冠到石渠
一自弓旌搜海嶽
更

誰蓑笠狎樵漁自慚金馬人非選共喜瀛洲地有餘漢代
幾人誇博物子虛爭薦馬相如

題戴楓仲夢入丹楓閣圖卽送歸山右

平林秋散赤城霞石徑森陰小閣遮蕭瑟空山高士卧曾
無清夢到春花

宮中詞

冰鏡淒清入簾幙柳絲風軟羅衣薄昭陽歌舞屬何人獨
倚銅龍看花落憶昔辭家髮半垂於今雙鬢漸成絲家人
那識朱顏改只記登車十五時

守宮詞

丹砂夜擣飼龍子玉痕血濺臙脂紫曾共君王帶笑看闌
干十二秋如水長門一入夢難通紈扇迎涼泣晚風縱使

羊車終不到殷勤還護守宮紅

小園

高柳周遮小閣開陰陰石徑長莓苔此中饒有華胥夢到
處皆成豔瀕堆世味漸同歸鳥倦年光空被落花催江天
多少閒鷗鷺一棹相從更不同

王材任字澹人號西澗黃岡人康熙己未進士歷官僉

都御史有尊道堂集

詩話西澗為涓來尚書子在諫垣清介平恕有聲晚
居常熟至乾隆己未年八十有七與趙秋谷贊善重
赴瓊林宴西澗重聽秋
谷失明而皆不廢吟詠

魯港夜泊

沙岸維舟近柳條坐看淺水忽生潮江湖夜靜逾空闊星
斗風來欲動搖月下望鄉雙淚落天涯多病一身遙雞豚

社飲應難與獨倚船窗盡酒瓢

鄭維孜字修來號韋菴南宮人康熙己未進士歷官江

南道御史

舌傲吟

昔人幸舌存吾舌固仍在不如顏常山割之以爲快舌去
英名成舌在形骸壞崛強不措詞焉用此一塊親知來相
視無言謹再拜能不激中懷日夕增感慨忽念邁古稀身
事同沉瀝百竅都無虞四肢咸足賴形神一朝盡事定棺
卽蓋誰知有舌無默默以相待

田需字雨來號鹿關德州人康熙己未進士改庶吉士

授編修有水東草堂詩

秋日

水北原南自往還秋來博得一身閒寒林葉落如聽雨遠
浦雲停似見山蕉鹿何因來夢裏華胥不擬到人間乘時
大有羣公在讓我開籠放白鷗

桃花口

午過潮痕寸寸生郵亭長短數歸程溼帆暮雨桃花口一
樵樵風送客行

劉果實字師退號提因滄州人康熙己未進士改庶吉

士授編修

詩話提因爲佑申大令子早慧五歲授經目數行下
入詞館奉諱歸遂不復出襟懷夷曠安貧樂道有晉
人風度

秋日城西訪友

葡萄熟後已無瓜楊柳蕭疎村徑斜一樹當窗門靜掩豆

花紅處是君家

李孚青字丹壑合肥人康熙己未進士改庶吉士授編
修有野香亭集

豫讓橋

女爲悅己容士爲知己死壯哉一豫讓乃能達斯旨吞炭
復漆身忠烈忘妻子國士與眾人豈曰可方比斬衣志未
成報智亦足矣荒橋舊址空流水只如此至今太行雲猶
作劍鋒氣

馬教思字臨公桐城人康熙己未進士改庶吉士授編
修有嚴冲詩存

送人歸里

行行秋色好驢背正黃昏遠道初爲客慈親久倚門衣縫

臨別線酒蓄待歸尊想見團欒日庭前笑語溫

送家兄舫齋歸里

人生聚散感浮萍又對西風送季鷹萬事淒涼頻夜雨百
年顛顛尚寒鐙秋來亦似將歸客老至何如退院僧一髮
青山江上路幾時歌嘯共君登

閩中寬字公度號易菴蠡縣人康熙己未進士厯官戶
部郎中有芸輝堂詩集

秋雨後偶集小園讀五公先生壁詩感憶卽步原韻
漫向煙霞問子皮鷓冠棲隱此相宜每逢高士尊頻倒爲
賞名花座屢移夜雨浮筠添翠籜夕陽寒蠅噪高枝藤牀
猶設南窗下空見龍標壁上詩

先生詩有藤牀恰
好暑窗移之句

法樗字輿瞻號書山膠州人康熙己未進士官大理寺

評事有書山草堂稟

詩話書山為黃石子得第後以親老告歸與弟壽公
樟闢草堂奉親以居壽公亦能詩有和書山九日韻
云經年病臥廢盤餐差逐風前振羽翰垂老方知緣
拙誤居今愈覺處貧難蓬門寥落稀迎客短髮參差
懶著冠自顧疎虞乖世好欲將
長缺向誰彈年至八十餘乃卒

送徐坤載歸里

獵獵西風紅柿垂送君南浦夕陽時壯懷已盡十千酒歸
權空餘半卷詩湖畔芙蓉游子去客中煙樹故人思黃花
纔綻秋如錦到舍還應滿舊籬

趙作舟字浮山東平人康熙己未進士改庶吉士由主

事歷官湖南辰沅道副使有文喜堂集

雨夜

疎雨瀟瀟響亂蛩迴腸曲曲轉無從書來鴻雁家千里夢

入鄉山路萬重意氣未隨金共盡風塵那復玉爲容不堪
伏枕秋聲外聽徧南樓五夜鐘

望彭澤

初日銜彭蠡江光帶遠峯亂雲低負郭半嶺近聞春石竇
荒村屋林間古寺鐘柴桑望不遠五斗意還慵

會同縣

巫山潭接九溪通溪水沿洞路不窮白社青陂知近遠鐘
聲鳥語半山中

張克疑字拗齋聞喜人康熙己未進士歷官潮州知府
送友人之廣文任

少年開口話伊周壯志空存老未酬吾道尊非因及第人
師貴豈讓封侯於今絳帳稀黃髮自古青氈重白頭邊地

莫嫌官署冷飽餐苜蓿又何求

張宣字儀陸號滄湄濱州人康熙己未進士官浙川知

縣有西田登岱荆塗諸草濠梁吟丹崖集

詩話滄湄初宰鳳陽有異政縣有巨猾白晝挾惡少
入人室侮其妻女訟之吏吏袒不問滄湄至官一日
入城隍廟呼至立斃杖下民咸稱快館山集中有二
哀詩為滄湄及膠州趙鹿友泰牲作鹿友令金華嘉
善亦有神明之譽

田園雜興

鬱鬱桑葉青燦燦榴花赤余亦朝市人愛此園林僻好動
每招尤靜觀多自得園果何離離隨意熟堪摘上者供甘
旨次以留嘉客客至談世俗輒浮以大白三徑常荒蕪苔
痕浸石壁賴有數卷書堪慰風雨夕

夏日田居

攜手踏莎行微茫草徑缺幽人興未已芒屨穿林樾村墟
上暮煙衣袂微風發遙尋鐘磬音遠公廬暫歇乘興復登
高東嶺起明月皓色墜深潭清光見毫髮遠樹何蒼蒼雲
峯忽出沒盤礴夜轉深零露浸履襪

盤山道中

秋色集南山雨餘徧新翠蜿蜒陟高岑爽氣千里至夕照
亂雲霞卷舒態殊異澗泉流淙淙冷然濠濮意山深富嵐
煙谷窅藏靈寺馬首瞻琅琊青蒼若鱗次醉翁或在焉便
欲策游騎

長淮泛舟

今朝風色好一葉渡淮西漸見林移岸方知權隔溪雞聲
河墅午帆動野雲低回首中都望煙嵐路已迷

羅淇字衛水會稽人康熙己未一甲一名武進士授頭等侍衛

詩話衛水能作摩窠大書氣魄如米襄陽詩有唐音

渡河

未得探源去先成擊楫過夕陰寒白日秋色淡黃河八月
靈槎路千年瓠子歌東流終不息向晚水增波

聞曉角

樓閣曉雲輕蒼煙入望平草肥晴牧馬畫角滿江城

勵杜訥字近公號澹園靜海人諸生直南書房授編修

官至刑部侍郎贈禮部尚書諡文恪

詩話澹園以諸生入實錄館充寫官書成敘福甯州同景陵命留直南齋食俸視六品己未召試博學鴻詞澹園與高江村在直廬亦賦省耕詩進呈明年同入翰林全謝山詞科撫言謂二人賜同博學鴻詞

科考試填入榜內當時實無其事且亦不與召試錄取諸人同時授職也

題張侍郎子大樸園圖

圖爲王石谷畫

金谷已榛蕪平泉誰繼作繁華銷歇只轉曠永世長存惟
淡泊司馬功成恣燕閒胸中自有真邱壑一區別業隔塵
囂縈帶河流負城郭尋常花木綴青幽幾楹軒檻辭丹雘
杭稻千畦綠映牆芙渠十里香侵幕無邊野趣供流連偶
爾壺觴留太樸清白高風奕葉傳太史聲華在木天樸園
先生繩祖武蓬山虎觀資儀矩言會昌時未易酬故園久
侍煙霞主松菊栽培插竹籬掃除三徑開蔬圃總是象賢
師儉意不增一椽與尺土緬懷先澤夢游頻卻喜王蒙寫
逼真滄原風景原殊絕襯貼林亭照耀人展卷低回生遠
思何時卜宅結芳鄰

高士奇字澹人號江村錢塘人以監生直南書房授內閣中書擢翰林院侍講官至禮部侍郎有清吟堂苑西廡從城北獨旦歸田諸集

詩話江村以國子生入京師備書自給遭逢聖祖召直內廷一時恩寵無與倫比己未舉大科命在南書房賦省耕詩超授侍從旋以人言罷歸已復以修書召入江村謝表有云媿寵榮之逾分致嫌怨之紛來曲護孤根得遂歸耕之願終收傲履俾抒望闕之誠其辭懇至論者許為由衷而言者猶未已居數年復以養母乞歸南巡幸所居西溪莊書竹窗二字以賜江村因以自號後復以祝嘏入都屢賜曲宴嘗諭侍臣略謂士奇昔侍講幄於文字徑途多所啟迪故特予優禮江村為作蓬山密記述恩賚甚備集中詩頗多應制體方諸元周伯琦近光扈從二集殆為嗣音

冒巢民年八十寓書索詩兼以字卷及金少君畫冊

見寄

甘陵南北昔紛綸模楷爭看墊角巾周黨三徵堅閉戶桓

譚萬卷鎮隨身花間置驛金爲簿竹裏聞歌玉照人老去
更誰論往事一竿風月卧江春

移家城北

江邨無恙白雲廬何事長安強曳裾招隱未能歸鹿砦謀
身堪笑似鳩居牀頭新釀無多甕架上殘編剩幾車更載
清風與明月夜深依舊伴繙書

兩版柴扉積蘚斑蒔花編竹恣疎頑坐誇潘岳城三面誰
笑盧仝屋數間虛牖北開堪避暑矮牆西向不遮山多情
紫燕偏尋主常傍湘簾挾子還

游西山

馬首迎朝爽春風緩轡過古田行犂确老木卧盤陀澗落
雪千尺僧歸雲一窩煙霞吾有癖吟望意如何

湖南別業

去城不數里境地卻翛然樹密遮游騎荷香出畫船山光
搖碧沼橋影倒晴川時有高僧到松鐙夜叩禪

紅橋篇

紅橋女兒顏如玉霧鬢雲鬟好妝束十五盈盈竟體蘭雙
蛾淺畫宮螺絲初學秦箏譜鳳皇乍拈斑管寫鴛鴦嬌癡
不解相思字嫵弱偏過姊妹行綺窗繡戶春風裏時人休
比常桃李未肯輕隨柳絮飛等閒不逐游絲起三月三日
天氣和相邀女伴蹋青歌歸來瞥被王孫見住憶停鞭情
較多王孫結客崇意氣殷勤不惜千金質鳳尾文綾翦作
裳鵠頭火錦裁成被油碧迎來夾道看罽輪十隊送長安
香含荳蔻春猶淺露浥芙蓉曉正溥交龍小袖輕衫窄昨

夜蜂黃新退額斗帳流蘇百寶裝雲屏珊枕熊鬚席綠幙
紅燈宴正頻當關客不報平津蜂嘗野蜜花房暝鶯啄含
桃露顆勻江頭繡翼欣初比誰道恩情判溝水可憐園繭
但成絲豈有安榴能結子長眉拂拭鏡鸞羞白露無情團
扇秋惟餘玉筍干行淚日向紅橋橋下流

成窰雞缸歌

世人耳目貴所少龍勺雞彝競愛寶杯樽本是太古風近
時誰信趨奇巧趙宋花瓷價最高玉腴珠潤堅不佻永樂
以來制稍變宣磁益復崇纖妖血色硃盤日輪射小盞青
花細描畫後來埏埴日更精五采紛綸數成化紅妝孌娜
蠟淚垂萬花錦谷揚葳蕤春陰隔院鞦韆動濃香滿架葡
萄披亦有嬰兒與高士鬚眉栩栩神相似

成窰酒杯種類甚多有名高燒

銀燭照紅妝者一美人持燭照海棠也錦灰堆者折枝花
果堆四面也鞦韆杯者士女戲鞦韆也龍舟杯者鬪龍舟
也高士杯者一面畫周茂叔愛蓮一面畫陶淵明對菊也
娃娃杯者五嬰兒相戲也滿架葡萄者畫葡萄也其餘香
草魚藻瓜茄入吉祥優鉢羅花西番蓮梵書名式留與人
不一皆描畫精工點色深淺磁色瑩潔而質堅

間作祕珍什襲真堪琬琰比尤其著者推雞缸陸離寶色

搖晴窗鼠姑灼灼老雞喚

雞缸上畫牡丹下有
子母雞躍躍欲動

將雛抱殼

三兩雙梅村老翁稱解事錯道宣宗製此器

梅村作宣宗
戲金蟋蟀盆

歌以雞缸
為宣窰

此器繇來見者稀更有何人討源始相公愛玩

逾圖球長安好事勤徵搜緝函封固獻閣下千緡一器爭

相酬我從平津得暫見兩手摩抄眼光眩歸來倒盡老瓦

盆一醉那分貴與賤

劉子章字闇然號豹南貴筑人康熙辛酉舉人歷官山

西道御史有豹南詩集

詩話豹南舉解首爲校官遷宰襄城有營卒賊諸生
婦按治如法行取入諫臺嘗典江西鄉試以乙科掌
文衡一時稱異數周漁璜起涓贈以詩有云南臺凜
凜繡衣郎峩冠櫺具何激昂兩年議論動明主一日
星軺升太行
紀其事也

寄同年何安瀾 子澄 昌化

憐君廊廟器飛鳥到南州
蜃市陰晴變珠光日夜浮
然犀期坐照茹蘖凜前修
曾有臨歧語依稀記得不
交黎纔部署海色壓城闐
氣候煩調燮民情待擾馴
放衙成吏隱稽古得天眞
此是澄清錄遙將寄故人

俞卿字恕菴亦字元公陸涼人康熙辛酉舉人歷官紹

興知府

詩話恕菴守越州十餘年治尙嚴肅築山陰海塘以
石易土推之上虞會稽蕭山諸縣躬自庀役工堅而
費節遇颶作海不
爲災至今攸賴

夏日過靈隱寺

寺古連山靜林深貯月涼
冷泉涵太液飛石綴洪荒
鳥語菩提樹雲盤眾妙香
靈修無障礙勝地自羲皇

梅庚字耦長一字子長號雪坪一號聽山居士宣城人

康熙辛酉舉人官泰順知縣有天逸閣集

詩話宣城諸梅多才耦長兼工詩畫逸情清藻漁洋愚山皆盛稱之其琴溪及梅溪見落梅二篇尤爲漁賞

高魯瞻通守豪逸強飲席罷以挾諸孫射獵圖乞題

乘醉書二十八韻與之

一騎前導齧且嘶一騎臂隼控不馳
後騎緣山山蔽虧奔騰似欲大合圍
中有健者騎指揮不老非少美鬢髭
耳後鳴鏑如餓鴟草間狐兔潛
狃狃淮陰登壇一釣師不聞射

生能麗龜腰弧插羽儼交綏借問何如幽并兒
而從禽翳爲誰渥洼之駒精權奇獸肥草淺同
遨嬉有張無弛非所宜秋冬射獵春唔咿逐坐
肯索粟與黎文人託興聊爾爲少年何必不軍
麾彥升三事了無期騎兵往往登台司健兒惡
馬供鞭笞雲臺麟閣圖鬚眉人生快意當若斯
還君卷軸心嗟咨燕市酒徒今已稀和歌且就
高漸離

聽鮑生彈琴

黃山臨戶牖三十六峯寒何日新安水遙連十八灘
自言別清境抱琴常不彈愛此玉窗靜涼風汎崇
蘭花前一揮手搗衣聞夜殘新聲間古調知音良
獨難余亦辭家客江邊逢所歡相期隨海月一臥
浮邱壇

待月橋

石梁橫谷口花片逐殘春風響應茶臼嵐光下葛巾幾時
鷓鴣月已照虎谿人此是峯頭路潺湲好問津

江心寺

孤嶼浮空倚郭門薄游呼伴趁晴暄荒祠正氣留文卓老
樹叢林識宋元銜尾樓船元海國江心塔火自朝昏迴帆
笑指中流石已見春潮沒舊痕

梅溪見落梅

背城花鳴得春遲野雀銜殘客未知聞說綠珠堪絕世我
來偏見墜樓時

次琴溪

急漲吞沙闊飛虹架壑虛田家桑落酒風物藥租魚真覺
仙壇近何妨人世疎未能凌絕頂立馬一踟躕

半山庵訪半公遇雨

繞籬生苦竹亂葉法幢開
亭午澄潭黑連山怒雨來
傳薪依紫柏易米寫蒼苔
坐待清溪月臨門見釣臺

雨過阮懷留同魯玉小飲撥悶戲成

雨絲十日尙漫漫屋角斜陽路未乾
花白花紅春閉戶舍南舍北水平灘
野田黃雀披縣少山縣鱗魚入饌難
賸有瓮頭陳虎骨一開笑口百壺寬

短歌遣意簡遺山

文章雖滿腹不如一囊錢
昔賢抱孤憤今古同憂煎
男兒墮地坎壈纏三十不鳴如暗蟬
莫言富貴與神仙但求一飽私自憐
仲孺未免慚兒女袁安竊恐妨高眠
侏儒笑汝飢欲死仰屋著書誰與傳

移寓金聖章園亭

亭院無多地清幽稱客居時艱思引疾眼暗尙鈔書階溜
浮花片巢鳩喚雨餘只如入叢蔚風景儼吾廬

老至

老至難自力所患艱持行顛踣常取憎墮放誰見明何期
交戟內扶掖許畦丁但諗衰蹇蹤而無禮法程度外誠優
卹事往終屏營故園雖就荒桑麻暖郊坳過從盡科跣衡
門無送迎再少諒無期勿藥亦身輕

宋生字子春固始人康熙辛酉舉人官泰興知縣有蓼

溪怡雲集

詩話子春領解首爲令有廉名遇大水爲災治
賑活飢民甚眾解組歸殘書襍被行李蕭然

雨中過舞陽

涼風吹雨定陵西黃葉紛飛釀作泥四野溼雲秋嶂合幾
家茅屋曉煙低荒村寂靜無人語歧路徬徨認馬蹏那得
晴暉滿周道新詩一向酒家題

陳王猷字良可號硯村又號息齋廣東海陽人康熙辛

酉舉人官肇慶教授有蓬亭偶存詩草

詩話硯村事繼母孝異母弟四人友愛倍篤祖父遺
產悉讓之歿後樓敬思爲誌其墓序其詩語皆紀實
其游丹霞諸詩模
山範水風力最道

將游丹霞由相江進艇夜泊仁化江口

春草青未歇春水流尙淺曲折溯清湍逶迤漾輕扁出門
愜嘉游曠焉胸懷展飛鳥時去來閒雲自舒卷落日生野
煙前溪忽已遠石壁截橫江羣峯勢迴轉眷茲邱壑情人
事慙仰俛停舟漁火中明月獨相款

下海山門觀雙沼新荷還入方丈小坐讀圖音和尙

詩兼貽圓公

半日霞表游濟勝偶然遂直溜孤杖支迅下雙屐墜遠公
興未闌導我樂泉卉石沼披荷錢田田小團翠崖陰清足
娛山光淨堪對攜將清淨心還入雪雲內宗風已流衍圖
史亦森蔚新詩芙蕖初天葩謝雕繪高空消六塵瀟灑得
三昧眷言依寶洲十笏永寤寐

晚登正氣歌閣旁有李文定公孝源望鄉臺石後則
文定弟僧一超塔也

傑閣雙林開餘輝薄天樹炯炯含元精巍巍託飛步緬惟
經始時西臺淚空注遙招柴市魂近息崖門怒物議滋狐
疑孤懷阻猶豫正直髯將軍一氣羣賢聚遂以忠臣心永

作法王護

聞澹大師建閣時欲以祀明殉難諸人後以下人言中止改祀關侯下祀李文定公兄弟

眺望鄉臺夷齊舊隱處在昔闢蠶叢至今剩鐵墓

丹霞山初買自

李文定公後以歸澹師

四山何蒼蒼惆悵夕陽暮

同諸子游芙蓉山

出郭見佳色始得春山青汨汨武溪水滔滔初欲平渺渺
愜神契超超違俗情風日況暄和緩步徐覽登漸與江城
隔屢自岡巒升芙蓉削千仞高無塵埽生康容去我久留
此泉源清竭來飫雲腴忽若御風行至味乃淡泊大道絕
擾營寥闕空山中時聞天籟聲我意本能適欣然懷耦耕
雖乏買山物甯負邱壑盟逍遙且為樂聊復招友朋辛苦
仙人竈徒存千載名

漢道士康容曾於此山燒丹竈跡猶存

帽峯山

空山如笠散秋煙
展齒西風寄遠天
抱郭南流雙水匯
壓城高出一峯圓
芳銷百草愁嗚鳩
葉落初林急暮蟬
舊日亭臺灰劫後
整冠何處聽姚絃
有整冠亭取退之皇岡寺詩上賓虞舜整冠裾之句
盛楓字丹山秀水人
康熙辛酉舉人
官安吉學正

盆花

木性本條達
山翁乃多事
三春截附枝
屈作迴蟠勢
蜿蜒蛟龍姿
扶疎巖壑意
小萼試嫣紅
清陰播蒼翠
攜出白雲來
朱門特珍異
售之以兼金
閒庭巧位置
疊石增磊砢
鋪苔蔚鱗次
嘉招來上客
讌賞共嬉戲
詎知荻幹薄
未久倏憔悴
始信矯揉力
託根非其地
供人耳目玩
終慚棟梁器
芸生各因依
長養視所寄
賦質諒亦齊
豈乏干霄志
遭逢既錯誤
培覆從其類
試看千尋松
直幹無柔媚

黔陽

雲壓萬峯低秋江晚樹迷
籃輿凌木杪驛路挂城西
有客停孤館無鳶下五溪
蕭蕭樓外雨愁絕聽寒雞

李牲字楚材渠縣人康熙辛酉舉人有濠梁集

送友人還蜀

握手憐今夕崎嶇指故都
青山開倦眼疲馬戀平蕪
石棧盤雲細嘯猿向客孤
衰親應計日豈為募菰蘆

張遠字邇可蕭山人康熙辛酉拔貢官縉雲教諭有蕉

園梅莊雲嶠諸集

詩話邇可嘗輯杜詩薈萃二十四卷自稱鍵戶卻掃
除經史詞賦外凡諸子百家稗官野乘罔不搜覽詩
格屢變雅
近西河

古意

莊周夢爲蝶牛哀化爲虎此身等浮雲何物得自主登高
眺遐荒松柏莽平楚昔爲公與侯今作糞與土貴賤同一
歸空煩淚如雨青春不再來白石足可煮竦身命黃鵠雲
霄待吾舉

天章寺懷古
爲訪天章寺溪行戴曉星天花吹石磴溜竹瀉蘭亭鳥下
還聽法龍歸不辨形橋山弓劍杳何處問冬青

燕昭王墓

落落高墳直到今秋風惆悵獨登臨燕山草落霜逾苦碣
石沙寒日易沈逆旅祇憐餘白首荒臺不見有黃金莫言
近代無良馬孤負當年一片心

蔡升元字徵元號方麓德清人康熙壬戌一甲一名進

士授修撰官至禮部尙書有紀恩詩

傳臚日紀恩

入對彤庭策萬言句臚高唱帝臨軒國恩獨被臣家渥十

二年間兩狀元

臣伯父臣蔡啟傳
庚戌廷對擢第一

苑西雜詠

白塔東偏圓殿西紅牆池邇綠楊隄六街洗後清於水不

放輕塵上馬蹏

禁苑春風次第來香車輾輾走輕雷賣花聲過牆東去知

是豐臺芍藥開

蓬池十里芰荷香金碧琉璃水殿涼載得恩波天上住鏡

湖不羨賀知章

瓊華佳氣藹蔥蘢金粟壇前白玉峯鈴鐸聲傳天半裏好

風時雜禁垣鐘

蘆花菱葉絲絲雨紫閣紅樓面面風最是秋來涼月夜水
連天處碧空濛

丹甍翠網碧欄干玉竦橋頭立馬看望到直廬最深處始
知身在五雲端

許汝霖字時菴海甯人康熙壬戌進士官至禮部尙書
有德星堂集

送楊自西少司馬終養歸里

銅柱留名記壯猷翩然綵服放扁舟兩朝養望儲黃髮八
座辭榮奉白頭客久誰無歸里夢官高偏忘倚門憂先生
愛日情何限手筇陔蘭進膳羞

送張侍御歸里

孤忠原不問升沈正氣稜稜自古今已見黃扉傳諫草何妨青海解朝簪一鳴終落憑城膽三黜甯忘報國心從此歸鄉把鋤耒泥塗終荷主恩深

王九齡字子武江南華亭人康熙壬戌進士改庶吉士授編修官至左都御史有尊香詩藁

竊祿

竊祿成何補經年柏府居無聲慚仗馬有淚對刑書救世人難跂攜鋤願復虛白頭濫朱紱中夜獨躊躇

憶沈樂存侍御

萬乘昔臨邊千軍騁玉鞭抗章親伏地叩馬欲回天難挽時巡駕終蒙聖主憐索居追鯁節好語汗青傳

題旅店

曉覺茅檐片月低依稀鄉國夢中迷世間何物催人老半
是雞聲半馬蹏

史夔字胄司溧陽人康熙壬戌進士改庶吉士授編修
歷官詹事

合澗橋步月

門閉亂山高月出萬象杳攬衣步巖際俯視羣木杪霜黃
樹色暗地白人影小湖光遠濛濛巢鶴近了了猿嘯晚更
急虎跡寒覺少還歸冷泉亭坐待山月曉

無錫望惠山

九峯天半落一棹夕陽過客爲游山盛船因載水多溪邊
高士宅月下榜人歌好趁樵風便輕船採芰荷

涿鹿道中望西山

紅塵雨洗淨秋煙黛色嶙峋夕照前七月早歸彭蠡雁一
山橫斷太行天乘槎興已江湖外捧日心猶霄漢邊策馬
高原頻悵望薊門雲樹尙依然

林處士墓

四壁垣衣絕點塵茶經酒譜尙紛陳茂陵封禪無遺橐始
信文章到老醇

吳苑字楞香又字鱗潭歙縣人康熙壬戌進士改庶吉
士授編修厯官祭酒有北黟山人詩

贈韓慕廬閣學

吾聞丹山鳳羽翼何披離朝翔桐柏雲暮宿崑崙陔陸思之
不可見絕世令人疑一來阿閣游始識光豔奇昌符應世
瑞麗彩揚英蕤眾鳥不敢窺當其迴翔時適來非偶然日

月增光儀

齊梁詭矜豔纖細爭瑠鏤燕許號大文亦僅沿其流韓愈
起八代排寡空儕儔赤手拔鯨牙鞭笞蛟與虯迢迢九百
年榛莽仍翳幽咬哇與蕭撥大雅方獨憂先生嗣家學纘
述遙相求炯如揭日月其輝矚九州眾星始知歸斗極懸
高秋

蒼生望已久先生方盛年文章與道俱此語甯不然從來
歐曾才實行皆大賢其文資黼黻典誥世所傳道行藉康
濟遂以銘旂旃苑也託後進館閣幸周旋藉湜走且僵敢
比秦黃肩牽牛織七襄雲錦星弧懸金石長不磨千載疇
能緩

周金然字廣居號廣庵江南華亭人康熙壬戌進士改

庶吉士授編修歷官左中允有娛暉草西山紀游和

靖節集和昌谷集

李容齋曰廣庵不喜為華縟之體天才特高無所不規模能自闢堂戶瀟灑清拔不減初日芙蓉詩話廣庵工書告歸時以平日所書進呈聖祖御製五言十二韻褒之夙與愚山荔裳交游詩格亦相近

同宋荔裳牧仲譚長益游宿焦山分韻

臨流方擊楫杖策復探奇靈境已終古幽尋又一時平開
島嶼色不盡海天吹寂寞焦仙跡蒼茫寄所思

振衣還濯足信宿憩精廬鳥雀知齋磬蛟龍護賜書山寺有宋

高宗勅書僧歸落照下帆出曉煙初底事勞詹尹江潭好卜居

長安倦客行

長安有倦客杜門仍息機朝來古寺看松歸道逢青驄舉

形跡雜言四十一
鞭揮朱顏不復同鬚眉藐姑之姿冰雪兒低頭三思前致
詞君當有術陟鼎司答言公等何專愚公解鼓瑟今好竽
金門總無山澤癘嚇哉腐鼠魯國儒盍歸盍歸遂其初何
水是樵山是漁輪邊卜式上公車有口但讀計然書千足
斃千石魚東園禮錢三萬餘承旨揖公典石渠

度九龍山

已辭潭柘山更問他山路山僧知我僻好奇導入山中險
絕處陰壑羃雲虎豹愁披榛覓徑如有求側身牽攀不可
上上者股栗神恂怛一峯厯盡喘未蘇前峯又復催憂虞
我生筋力能幾多諸艱厯試胡爲乎樵子尋常不肯至矧
乃倦客冥搜強好事磴危路滑將恐墜徒侶微聞雜嗟喟
忽來片岫平如掌相呼藉草狂歌賞斯時四望覺身高下

視羣山離立皆兒曹白雲冉冉騰山坳便欲乘向闐闐隨
逍遙恨不攜將驚人句搔首問天天亦怖卻望居庸鳥道
同茫茫絕塞風煙開燕昭遺烈安在哉漁陽豪俠多蒿萊
古今代謝復何有惟有茲山突兀無衰朽呼取驢背酒一
瓢醉我山神勸我友長笛一聲出林藪蠻謳翻入龜茲部
興發一齊開笑口須臾雨過捲衣涼薄醉都忘山路長前
于後禹滿空谷山下人疑嘯鳳凰

石景山

山游各取宜宜眺茲山最峻嶒倚絕壁面面供元對巖洞
互出沒巨靈何狡獪拾級忽凌空遐想出天外泱泱河流
奔迴薄互如帶昔光穿溟滓身世了不礙勦知盧溝底明
見飛虹背蒼茫塞上山山盡施黛黽勉躋層巔城郭交

顯晦窅然萬象收
天風送清籟延賞入奇懷
浩蕩自我輩
安能苦牽迫
白日紅塵內
疲樂理則均
塔焉寄深嘅

香山寺來青軒待月和王宗伯敬哉先生壁間韻

開軒延皓月
遠岫正朦朧
十地泉流外
諸天色界中
林深遲出梵
臺迴細含風
指點山椒曲
分明佛火紅

碧雲寺

淨域開丹嶂
精藍倚碧天
登臨迷勝概
徙倚謝塵緣
幽屺從苔積
長廊信屨穿
階前流水赴
樹杪落霞懸
風墮齋時磬
花飛象外筵
鬼神呼窟宅
日月暈楊聯
出洞龍湫得
捫蘿鳳嘯傳
快應聽雨過
倦可割雲眠
亭對娟娟竹
杯浮曲曲泉
終期結蓮社
長此習安禪

飲酒

種苗沒東臯種豆蕪南山勤動苦終歲篝車迺空言安得
休糧方藉以保餘年不如營一醉此方竟誰傳

東方仕代農柴桑農代仕饑凍非不切矯厲重違己食粟
以養肥食薇以養恥章綬亦何榮徒取耀閭里學道三十
年奄冉逼暮紀窮達洵有命消息隨坎止萬變了不疑大
鈞吾所恃

尤珍字謹庸長洲人康熙壬戌進士改庶吉士授編修
歷官贊善有滄湄詩鈔

遣興

春風吹庭樹漸見綠葉生眾鳥引雛出翩翩飛且鳴鷓鴣
及雀蛤物類善變更惟人獨不化感歎誰能平萬事天所
命達觀息羣營思游五岳徧入海登蓬瀛浩蕩乘天風吾

將從此行

題浯溪摩崖碑

有客示我摩崖碑一幅之廣徑丈圍觀者動色共歎賞高
文大字何瑰奇憶昔天寶祿山叛長驅鐵騎蹂京畿至尊
倉皇出奔蜀太子靈武誓六師禍亂方殷以權濟苟不帝
制眾志離乃踐大位命諸將收東西京不逾時奉迎還宮
就尊養堯禪舜讓兩得之漫叟夙推老文學濡毫撰述中
興碑魯公筆力有神助大書深刻青山陞其後上皇在西
內張李交煽思傾危奠定社稷誠大孝何乃晚節晨昏虧
碑銘當日紀盛事惟有揚頌無微詞題碑後者爲涪翁其
詩未免多刺譏讀書論世志未逮摩挲古蹟空嗟咨

鄴都懷古

風流佳麗魏王都憶昔雄豪創霸圖
鄴苑人空花自落銅臺伎散鳥爭呼
五官事業埋荒隴七子才名付酒壚
惟有漳河東逝水年年春漲浴飛鳧

夜坐

花影忽移知月上樹梢微動覺風吹
不看北斗天邊近只道家園夜坐時

晚晴移詩匯卷四十七終